

摘藻堂四庫全書薈要

史部

欽定四庫全書薈要

史部
通志卷七十四

詳校官員外郎臣楊世綸



欽定四庫全書薈要卷八千九百七十三

史部

通志卷七十四

宋右迪功郎鄭樵漁仲撰

敘略第一

序 天 日 月 星 地 附山水 旱 火 風

災祥序

仲尼既沒先儒駕以妖妄之說而欺後世後世相承罔敢失墜者有兩種學一種妄學務以欺人一種妖學務

以欺天凡說春秋者皆謂孔子寓褒貶於一字之間以陰中時人使人不可曉解三傳唱之於前諸儒從之於後盡推已意而誣以聖人之意此之謂欺人之學說洪範者皆謂箕子本河圖洛書以明五行之旨劉向創釋其傳於前諸史因之而為志於後析天下災祥之變而推之於金木水火土之域乃以時事之吉凶而曲為之配此之謂欺天之學夫春秋者成周之典也洪範者皇極之書也臣舊作春秋傳專以明王道削去三家褒貶

之說所以杜其妄今作災祥畧專以記實迹削去五行
相應之說所以絕其妖且萬物之理不離五行而五行
之理其變無方離固為火矣而離中有水坎固為水矣
而坎中有火安得直以秋大水為水行之應成周宣榭
火為火行之應乎况周得木德而有赤鳥之祥漢得火
德而有黃龍之瑞此理又如何邪豈其晉厲公一視之
遠周單公一言之徐而能關於五行之沴乎豈有晉申
生一衣之偏鄭子臧一冠之異而能關於五行之沴乎

如是則五行之繩人甚於三尺矣臣竊觀漢儒之說以
亂世無如春秋之深災異無如春秋之衆者是不考其
實也臣每謂春秋雖三王之亂世猶治於漢唐之盛時
何哉春秋二百四十年而日食三十六唐三百年而日
食過百舉春秋地震五漢和平中積二十一日而地百
二十四動舉春秋山傾者二漢文帝時一年之間齊楚
山二十九所同日圯舉春秋大水者八後漢延平中一
月之間郡國三十六大水其他小小災異則二百四十

年之事不及後世一年也如李梅冬實鸛鵒來巢之類
在後世不勝書使春秋之人而親見後世事豈但慟哭
流涕而已哉以春秋視後世不為亂世也何哉後世之
法度不及春秋之法度後世之人才不及春秋之人才
其所以感和氣而弭災異者又安可望春秋乎嗚呼天
地之間災祥萬種人間禍福冥不可知奈何以一虫之
妖一氣之戾而一一質之以為禍福之應其愚甚矣况
凶吉有不由於災祥者宋之五石六鷁可以為異矣而

內史叔興以為此陰陽之事非吉凶所生魏安平太守
王基筮於管輅輅曰君家有三怪一則生男墮地走入
竈死二則大蛇牀上銜筆三則烏來入室與燕鬪兒入
竈者宋無忌之妖蛇銜筆者老書佐之妖烏與燕鬪者
老鈴下之妖此三者足以為異而無凶兆無所憂也王
基之家卒以無患觀叔興之言則國不可以災祥論興
衰觀管輅之言則家不可以變怪論休咎惟有和氣致
祥乖氣致異者可以為通論

天

天裂

漢孝惠帝二年天開東北長二十餘丈廣十餘丈
晉惠帝元康二年春二月天西北大裂太安

二年秋八月庚午天中裂為二無雲有聲如雷者三
成帝咸和四年天裂西北穆帝升平五年秋八月已

卯夜天中裂廣三四丈有聲如雷野雉皆鳴梁武帝
天監十三年春二月庚辰朔震于西南天如裂太清

二年夏六月天裂于西北長十丈濶二丈光出如電冬
十二月戊申天西北裂有光如火陳後主至德元年

冬十二月戊午夜天開自西北至天鳴晉元帝太興二
東南其內有青黃雜色隆隆若雷天鳴年秋八月戊戌

天鳴東南有聲如風水相薄三年冬十月壬辰天鳴
至甲午止安帝隆安五年閏月癸丑天東南鳴二

年秋九月戊子天東南又鳴義熙元年秋八月天鳴
在東南元興元年秋八月天鳴二年秋九月又鳴

雷 梁武帝中大通六年閏十二月丙午天西南有聲如雷 大同十一年夏六月辛巳竟天有聲如風水相薄

陳宣帝大建十二年秋九月癸未夜天東南有聲如

風水相擊 十四年秋八月癸未天有聲如風水相擊

乙酉夜亦如之九月辛亥夜天東北有聲如蟲飛漸移

西北 後主至德元年秋九月丁巳天東南有聲如蟲

飛 北齊文宣帝天保四年夏四月戊午天西南有大

聲如雷 後周武帝建德六年春正月天西方有聲如

雷 隋文帝開皇二十年夏四月 天變色 宋文帝元嘉

壬戌天有聲如瀉水自南而北 天變色 十八年秋七

月天黃色洞照 齊武帝永明八年夏六 無雲而雨 隋

月丙申大雷雨有黃光竟天照地狀如金 無雲而雨 文

帝開皇 無雲而雷 漢成帝元延元年夏四月丁酉無雲

末二 有雷聲光耀耀四面下至地昏止

後漢獻帝初平三年夏五月丙申無雲而雷 四年夏

五月癸酉無雲而雷 隋文帝開皇二十年春二月丁

丑無雲

天雨螽

春秋魯文公三年雨螽于

襄公二年雨螽于江

天雨魚

漢孝武帝

鴻嘉四年秋雨

天雨土

漢孝昭帝始元中雨土晝昏

魚長五寸以下

黃塵

二年冬十一月

丙寅天雨黃塵

後魏宣武帝

景明四年涼州雨土如霧

月戊申雨細黃土

隋文帝開

天雨毛

漢武帝天漢元

皇二年春二月庚子京師雨土

天雨毛

蜀地雨白毛

白毛

三年秋八月

天雨白毛

西晉武帝泰始八年

蜀地雨白毛

隋文帝開皇六年秋七月乙丑京師雨

毛如馬尾長者二尺

天雨沙

梁簡文帝大寶元年春

餘短者有六七寸

天雨沙

梁簡文帝大寶元年春

雨灰

商紂末年天雨灰

梁武帝大同

天雨草

漢元帝

三年春正月壬寅天雨灰黃色

永光三

年秋八月天雨草而葉相樛結大如彈丸

三年春正月天雨草狀如永光時

宋明帝太始四年

年秋八月天雨草而葉相樛結大如彈丸

三年春正月天雨草狀如永光時

宋明帝太始四年

年秋八月天雨草而葉相樛結大如彈丸

雨草于
宮中
天雨水銀
隋文帝仁壽二年宮中再雨
天雨水

夏桀時雨水
後漢時京師雨水
天雨穀
後漢光武建

張駿太元元年秋九月雨水
天雨穀
武三十一年

陳留雨穀
天雨水
漢孝惠帝四年雨血於宜陽一頃所

形如稗實
天雨水
孝哀帝建平四年夏四月山陽湖

陵雨血廣三尺長五尺大者如錢小者如麻子
晉惠

帝元康六年春三月彭城呂縣有流血東西百餘步

永康元年春三月尉氏雨血
陳後主至德三年有赤

物隕于太極殿前初下時鐘皆鳴又嘗進白飲忽變為

血沾殿階瀝瀝然至御榻
北齊武成帝河清二年冬

十二月雨血於太原
後主武平中有血點地自斛律

明月宅
天雨水
春秋魯成公十六年春正月雨水

至太廟
天雨水
魏文帝黃初六年春正月雨水

晉元帝太興三年春二月辛未雨水
穆帝永和

八年春正月乙巳雨水
孝武帝太元十四年冬十

二月乙巳

天雨肉

漢孝桓帝建和三年秋七月北地廉縣雨肉似羊肋或大如手魏公孫

淵時襄平北

市生肉長圍各數尺有頭目口喙無手足而動搖晉愍帝建興元年冬十二月河東雨肉天

雨石

商紂末年天雨石如大甕

秦始皇時隕石孝武帝征和四年春

二月隕石于雍二聲聞四百里

孝元帝建昭元年春正月戊辰隕石梁國六

橐四肥累一

陽朔三年春三月壬戌隕石東郡八

鴻嘉二年夏五月隕石杜衍三

石都關二

孝哀帝建平元年春正月隕石北地十其九月甲辰隕石虞二

平帝元始二年夏六月隕石鉅鹿二自惠盡平隕石凡十一皆有光耀雷聲成哀尤屢

後漢殤帝延平元年秋九月隕石陳留四孝桓帝延熹七年春三月隕石右扶風一鄂又隕石二皆有聲如雷魏明帝青龍三年春正月乙亥隕石于壽光

晉武帝太康五年夏五月丁巳隕石于溫及河陽各二
六年春正月隕石于溫三 成帝咸和八年夏五月
隕石于涼州二 隋文帝開皇十 天雨金 秦獻公時標
七年石隕于武安滏陽間十餘 陽雨金 晉
惠帝二年雨金 隋文帝仁壽四
年諸軍州舍利塔成陝州雨金

日

日食 周平王五十一年春二月己巳日有食之 桓王
十一年秋七月壬辰朔日有食之 莊王二年冬
十月朔日有食之 惠王元年春三月日有食之 八
年夏六月辛未朔日有食之 九年冬十二月癸亥朔
日有食之 十三年秋九月庚午朔日有食之 二十
二年秋九月戊申朔日有食之 襄王四年春三月庚
午朔日有食之 七年夏三月日有食之 二十六年
春二月癸亥日有食之 匡王元年夏六月辛丑日有

食之 定王六年秋七月甲子日有食之既 八年夏四月丙辰日有食之 十五年夏六月癸卯日有食之

簡王十一年夏六月丙寅朔日有食之 十二年冬

十二月丁巳朔日有食之 靈王十三年春二月乙未

朔日有食之 十四年秋八月丁巳日有食之 十九

年冬十月丙辰朔日有食之 二十年秋九月庚戌朔

日有食之冬十月庚辰朔日有食之 二十二年春二

月癸酉朔日有食之 二十三年秋七月甲子朔日有

食之既 八月癸巳朔日有食之 二十六年冬十二月

乙卯朔日有食之 景王十年夏四月甲辰朔日有食

之 十八年夏六月丁巳朔日有食之 二十年夏六

月甲辰朔日有食之 二十一年秋七月壬午朔日有

食之 二十五年冬十二月癸酉朔日有食之 敬王

二年夏五月乙未朔日有食之 九年冬十二月辛亥

朔日有食之 十五年春三月辛亥朔日有食之 二

十二年冬十一月丙寅朔日有食之 二十五年秋八

月庚辰朔日有食之 三十九年夏五月庚申朔日有食之 貞定王二十六年日有食之 畫晦星見史夫紀

月 考王六年六月日有食之 威烈王十六年日有食之 安王五年日有食之 二十年日有食之 畫晦

烈王元年日有食之 七年日有食之 赧王十四

年日有食之 畫晦並失紀月 秦莊襄王二年四月日

有食之 漢高帝三年冬十月甲戌晦日有食之 十一

月癸卯晦日有食之 九年夏六月乙未晦日有食之

既 惠帝七年春正月辛丑朔日有食之 夏五月丁卯

先晦一日食幾盡 高后二年夏六月丙戌晦日有食

之 七年春正月己丑晦日有食之 文帝二年冬十

一月癸卯晦日有食之 三年冬十月丁酉晦日有食

之 十一月丁卯晦日有食之 後四年夏四月丙寅晦

日有食之 景帝三年二月壬子晦日有食之 四年

十月戊戌晦日有食之 七年冬十一月庚寅晦日有

食之 中二年秋九月甲戌晦日有食之 三年秋九

月戊戌晦日有食之幾盡四年冬十月戊午日有食之六年秋七月辛亥晦日有食之後元年秋七月

乙巳晦日有食之武帝建元二年春二月丙戌朔日有食之三年秋九月丙子晦日有食之元光元年

秋七月癸未日有食之元朔二年春三月乙亥晦日有食之元狩元年夏五月乙巳晦日有食之元鼎

五年夏四月丁丑晦日有食之太始四年冬十月甲寅晦日有食之征和四年秋八月辛酉晦日有食之

昭帝始元三年冬十一月壬辰朔日有食之元鳳元年秋七月乙亥晦日有食之宣帝地節元年冬十

二月癸亥晦日有食之五鳳元年冬十二月乙酉朔日有食之四年夏四月辛丑晦日有食之元帝永

光二年春三月壬戌朔日有食之四年夏六月戊寅晦日有食之建昭五年夏六月壬申晦日有食之

成帝建始三年冬十二月戊申朔日有食之三年秋八月乙卯晦日有食之三年秋八月乙卯晦日

有食之 四年春三月癸丑朔日有食之 陽朔元年
春二月丁未朔日有食之 建始元年秋九月丁巳晦
日有食之 二年春二月己酉晦日有食之 三年春
正月己卯晦日有食之 四年秋七月辛未晦日有食
之 元延元年春正月己亥朔日有食之 哀帝元壽
元年春正月辛丑朔日有食之 與惠帝七年同月日
二年夏四月壬辰晦日有食之 平帝元始元年夏五
月丁巳朔日有食之 二年秋九月戊申晦日有食之
孺子嬰居攝元年冬十月丙辰朔日有食之 王莽
天鳳元年三月壬申晦日有食之 三年秋七月戊子
晦日有食之 光武建武二年春正月甲子朔日有食
之 三年夏五月乙卯晦日有食之 五年秋九月丙
寅晦日有食之 六年秋九月丙寅晦日有食之 七
年春三月癸亥晦日有食之 十六年春三月辛丑晦
日有食之 十七年春二月乙亥晦日有食之 二十
二年夏五月乙未晦日有食之 二十五年春三月戊

申晦日有食之 二十九年春二月丁巳朔日有食之

三十一年夏五月癸酉晦日有食之 中元元年冬

十一月甲子晦日有食之 明帝永平三年秋八月壬

申晦日有食之 八年冬十月壬寅晦日有食之既

十三年冬十月壬辰晦日有食之 十六年夏五月戊

午晦日有食之 十八年冬十一月甲辰晦日有食之

章帝建初五年春二月庚辰朔日有食之 六年夏

六月辛未晦日有食之 元和元年秋八月乙未晦日

有食之 和帝永元三年秋八月乙未晦日有食之史

官不見他官以聞 二年春二月壬午日有食之 四

年夏六月戊戌朔日有食之 七年夏四月辛亥朔日

有食之 十二年秋七月辛亥朔日有食之 十五年

夏四月甲子晦日有食之 安帝永初元年春三月朔

日癸酉日有食之 五年春正月庚辰朔日有食之

七年夏四月丙申晦日有食之 元初元年春二月癸

酉日有食之冬十月戊子朔日有食之 二年秋九月

壬午晦日有食之 三年春三月二日辛亥日有食之
四年春二月乙亥朔日有食之 五年秋八月丙申
朔日有食之 六年冬十二月戊午朔日有食之 幾盡
永寧元年秋七月乙酉朔日有食之 延光三年秋
九月庚寅晦日有食之 四年春三月戊午朔日有食
之 順帝永建二年秋七月甲戌朔日有食之 陽嘉
四年秋閏八月丁亥朔日有食之 永和三年冬十二
月戊戌朔日有食之 五年夏五月己丑晦日有食之
六年秋九月辛亥晦日有食之 桓帝建和元年春
正月辛亥朔日有食之 三年夏四月丁卯晦日有食
之 元嘉二年秋七月庚辰日有食之 永興二年秋
九月丁卯朔日有食之 永壽三年夏閏四月庚辰晦
日有食之 延熹元年夏五月甲戌晦日有食之 八
年春正月丙申晦日有食之 九年春正月辛卯朔日
有食之 永康元年夏五月壬子晦日有食之 靈帝
建寧元年夏五月丁未朔日有食之 冬十月甲辰晦日

有食之 二年冬十月戊戌晦日有食之 三年春三月丙寅晦日有食之 四年春三月辛酉朔日有食之

熹平二年冬十二月癸酉晦日有食之 六年冬十月癸丑朔日有食之 光和元年春二月辛亥朔日有

食之冬十月丙子晦日有食之 二年夏四月甲戌朔

日有食之 四年秋九月庚寅朔日有食之 中平三

年夏五月壬辰晦日有食之 六年夏四月丙午朔日

有食之 獻帝初平四年春正月甲寅朔日有食之

興平元年夏六月乙巳晦日有食之 建安五年秋九

月庚午朔日有食之 六年春三月丁卯朔日有食之

十三年冬十月癸未朔日有食之 十五年春二月

乙巳朔日有食之 十七年夏六月庚寅晦日有食之

二十一年夏五月己亥朔日有食之 二十四年春

二月壬子晦日有食之 二十五年春二月丁未朔日

有食之 魏文帝黃初二年夏六月戊辰晦日有食之

三年春正月丙寅朔日有食之冬十一月庚申晦日

通志

有食之 五年冬十一月戊申晦日有食之 明帝太
和五年冬十一月戊戌晦日有食之 六年春正月戊
辰朔日有食之 青龍元年夏閏五月庚寅朔日有食
之 齊王正始元年秋七月戊申朔日有食之 三年
夏四月戊戌朔日有食之 四年夏五月丁丑朔日有
食之既 五年夏四月丙辰朔日有食之 六年夏四
月壬子朔日有食之冬十月戊申朔日有食之 八年
春二月庚午朔日有食之 九年春正月乙未朔日有
食之 嘉平元年春二月己未朔日有食之 高貴鄉
公甘露四年秋七月戊子朔日有食之 五年春正月
乙酉朔日有食之 陳留王景元二年夏五月丁未朔
日有食之 三年冬十一月己亥朔日有食之 晉武
帝泰始二年秋七月丙午晦日有食之冬十月丙午朔
日有食之 七年冬十月丁丑朔日有食之 八年冬
十月丁未朔日有食之 九年夏四月戊辰朔日有食
之秋七月丁酉朔日有食之 十年春正月乙未日有

食之三月癸亥日有食之 咸寧元年秋七月甲申晦
日有食之 三年春正月丙子朔日有食之 四年春

正月庚午朔日有食之 太康四年春三月辛丑朔日
有食之 六年秋八月丙戌朔日有食之 七年春正

月甲寅朔日有食之 八年春正月戊申朔日有食之
九年春正月壬申朔日有食之 夏六月庚子朔日有

食之 惠帝元康九年冬十一月甲子朔日有食之

永康元年春正月辛卯日有食之 夏四月辛卯日有食

之 永寧元年春閏三月丙戌朔日有食之 光熙元

年春正月戊子朔日有食之 秋七月乙酉朔日有食之

冬十一月壬午朔日有食之 懷帝永嘉元年冬十一

月戊申朔日有食之 二年春正月丙子朔日有食之

六年春二月壬子朔日有食之 愍帝建興四年夏

六月丁巳朔日有食之 冬十二月甲申朔日有食之

五年夏五月丙子日有食之 冬十一月丙子日有食之

元帝太興元年夏四月丁丑朔日有食之 明帝太

寧三年冬十一月癸巳朔日有食之 成帝咸和二年
夏五月甲申朔日有食之 六年春三月壬戌朔日有
食之 九年冬十月乙未朔日有食之 咸康元年冬
十月乙未朔日有食之 七年春二月甲午朔日有食
之 八年春正月己未朔日有食之 穆帝永和二年
夏四月己酉朔日有食之 七年春正月丁酉朔日有
食之 八年春正月辛卯朔日有食之 十二年冬十
月癸巳朔日有食之 升平四年秋八月辛丑朔日有
食之既 哀帝隆和元年春三月甲寅朔日有食之冬
十二月戊午朔日有食之 廢帝太和三年春三月丁
巳朔日有食之 五年秋七月癸酉朔日有食之 孝
武帝寧康三年冬十月癸酉朔日有食之 太和六年
夏六月庚子朔日有食之 九年冬十月辛亥朔日有
食之 十七年夏五月丁卯朔日有食之 二十年春
三月庚辰朔日有食之 安帝隆安四年夏六月庚辰
朔日有食之 元興二年夏四月癸巳朔日有食之

義熙三年秋七月戊戌朔日有食之 十年秋九月丁巳朔日有食之 十一年秋七月辛亥晦日有食之

十三年春正月甲戌朔日有食之 恭帝元熙元年冬

十一月丁亥朔日有食之 宋少帝景平二年春二月

己卯朔日有食之 文帝元嘉四年夏六月癸卯朔日

有食之 五年冬十一月乙未朔日有食之 六年夏

五月壬辰朔日有食之冬十一月己丑朔日有食之星

晝見 十二年春正月乙未朔日有食之 十五年冬

十一月丁卯朔日有食之 十七年夏四月戊午朔日

有食之 十九年秋七月甲戌晦日有食之 二十二

年夏六月戊子朔日有食之 二十三年夏六月癸未

朔日有食之 二十六年夏四月丙申朔日有食之

三十年秋七月辛丑朔日有食之 孝武孝建元年秋

七月丙申朔日有食之 大明四年秋九月庚申朔日

有食之 五年秋九月甲寅朔日有食之 六年春二

月壬子朔日有食之 明帝泰始三年冬十月己亥朔

日有食之 四年夏四月丙子朔日有食之冬十月癸酉朔日有食之 五年冬十月丁卯朔日有食之 廢帝元徽元年冬十二月癸卯朔日有食之 二年春正月癸酉朔日有食之 順帝昇明元年冬十月辛亥朔日有食之 二年春三月己酉朔日有食之秋九月乙巳朔日有食之 三年春三月癸卯朔日有食之 齊高帝建元二年秋九月甲午朔日有食之 三月秋七月己未朔日有食之 武帝永明元年冬十二月乙巳朔日有食之 六年春二月辛亥朔日有食之 八年春正月己巳朔日有食之 九年春正月癸亥晦日有食之 十一年夏六月戊辰朔日有食之 鬱林王隆昌元年夏五月甲戌朔日有食之 明帝建武元年冬十一月壬申朔日有食之 三年九月庚寅晦日有食之 東昏侯永元二年春正月辛丑朔日有食之秋七月己亥朔日有食之 和帝中興元年春正月丙寅朔日有食之 梁武帝天監元

年秋七月丁巳朔日有食之 五年春三月丙寅朔日
有食之 七年秋八月壬子朔日有食之 八年秋八
月丙午朔日有食之 十年冬十二月壬戌朔日有食
之 十一年夏五月己未晦日有食之 十二年夏五
月甲寅朔日有食之 十五年春三月戊辰朔日有食
之既 十八年春正月辛巳朔日有食之 普通元年
春正月丙子日有食之 二年夏五月丁酉朔日有食
之 三年夏五月壬辰朔日有食之既冬十一月己丑
朔日有食之 四年冬十一月癸未朔日有食之 中
大通元年冬十月乙酉朔日有食之 三年夏六月己
亥朔日有食之 四年冬十月辛酉朔日有食之 五
年夏四月己未朔日有食之 六年夏四月癸丑朔日
有食之 大同四年春正月辛酉朔日有食之夏六月
辛丑朔日有食之 六年夏閏五月丁丑朔日有食之
太清元年春正月己亥朔日有食之 陳高祖永定
三年夏五月丙辰朔日有食之 文帝天嘉二年夏四

月丙子朔日有食之冬十月甲戌朔日有食之三年
秋九月戊辰朔日有食之四年春三月乙丑朔日有
食之五年春二月庚寅朔日有食之秋八月丁未朔
日有食之六年秋七月辛巳朔日有食之天康元
年春正月己卯朔日有食之廢帝光大元年春正月
癸酉朔日有食之冬十一月戊戌朔日有食之二
冬十一月壬辰朔日有食之宣帝大建二年冬十月
辛巳朔日有食之三年夏四月戊寅朔日有食之
四年春三月癸卯朔日有食之秋九月庚子朔日有食
之七年春二月壬辰朔日有食之七年春二月丙
戌朔日有食之冬十二月辛亥朔日有食之八年夏
六月戊申朔日有食之九年冬十一月己亥晦日有
食之十二年冬十月甲寅朔日有食之後主至德
元年春二月己巳朔日有食之秋七月丁卯晦日有食
之二年春正月甲子朔日有食之三年春正月戊
午朔日有食之禎明元年夏五月乙亥朔日有食之

隋文帝開皇十一年春二月辛巳晦日有食之
十二年秋七月壬申晦日有食之
十三年秋七月戊辰

晦日有食之
仁壽元年春二月乙卯朔日有
日夜出

食之
大業十二年夏五月丙戌朔日有食之
日夜出

前漢孝武帝建元二年夏四月戊申有
如日夜出
晉

元帝太興元年冬十一月乙卯日夜出
高三丈中有赤

青
日夜食
後魏孝莊永安二年冬十月巳酉
日薄食
懷

珥
日從地下食出
虧從西南角起

帝永嘉元年冬十一月乙
衆日並出
晉孝愍帝建興二

亥黃黑氣掩日所照皆黃
年春正月辛未未

三日相承出於西方而東行
四年三月並照
五年

春正月三日並照虹蜺彌天
元帝太興三年五日並

見
梁元帝承聖元年
日闕
晉元帝太興四年春二月

冬十一月兩日俱見
癸亥日闕
後周武帝天

和元年春二月庚
日隕于地
晉建興二年春正月日中

午日闕光遂微
辛未庚時日隕于地

鳥見

晉穆帝永和八年張重華在涼日暴赤如火中有三足鳥形見分明五日乃止後周武帝天和元

年春二月庚午日中見鳥靜帝大象元年

日中飛鷲

春二月癸未日出將入時其中並有鳥色

晉惠帝永康九年春正月日中有若飛鷲者數日乃消

孝懷帝永嘉五年春三月庚申日中有若飛鷲者

日中黑子

晉武帝泰始四年冬十月乙未日中有黑子惠帝永寧元年秋九月甲申日中有黑子

元帝太興四年春三月癸未日中有黑子永昌元年冬十月辛卯日中有黑子成帝咸康八年春正月

壬申日中有黑子穆帝永和十年冬十月庚辰日中

有黑子大如雞卵十一年春三月戊申日中有黑子

大如桃二枚升平三年冬十月丙午日中有黑子大

如雞卵海西公太和四年冬十月乙未日中有黑子

五年春二月辛酉日中有黑子大如李簡文帝咸

安二年冬十月丁丑日中有黑子孝武帝寧康元年

冬十一月巳酉日中有黑子大如李 二年春三月庚寅日中有黑子二枚大如鴨卵冬十一月巳巳日中有黑子大如雞卵 太和十三年春二月庚子日中有黑子大如李 十四年夏六月辛卯日中又有黑子大如李 二十年冬十一月辛卯日中又有黑子 安帝隆安四年冬十一月辛亥日中有黑子 齊永元元年冬十二月乙酉日中有黑子三枚 後周建德六年冬十一月甲辰黑子大如杯 日中黑氣 漢孝建德六年冬十一月甲辰黑子大如杯 日中黑氣 靈帝中平四年三月丙申黑氣大如瓜在日中 孝獻帝光和三年春正月日色赤黃中有黑氣如飛鵲數日乃銷 晉惠帝永康三年冬十二月庚戌日中有黑氣 太安元年冬十一月日中有黑氣 永興元年冬十月日中有黑氣分日 後魏孝文帝太和二年日中有黑氣 三年夏六月癸卯日中有黑氣 宣武帝景明二年秋八月戊辰日赤無光中有黑氣 三年正月乙巳日中有黑氣 正始元年冬十二月丙戌黑雲貫日 二

年日中有黑氣形如月從東南來衝日 三年春二月

甲子日中有黑氣三 四年冬十一月癸卯日中有黑

氣二大如挑 後周武帝天和 日青無光 隋文帝仁壽

二年冬十月辛卯日中有黑氣 日青無光 四年秋七月

乙未日青無 日光四散 晉惠帝光熙元年夏五月壬辰

光八日乃復 日光四散 癸巳日光四散赤如流血照地

皆赤甲午又如之 孝懷帝永嘉五年春三月庚申日

散先如血下流所照皆赤 隋煬帝大業十三年冬十

一月辛酉日光 日晝昏而黃黑霧 晉惠帝永康元年冬

四散如流血 日晝昏而黃黑霧 十月乙未日闇黃霧

四塞 孝愍帝建興二年春正月己巳朔黑霧著人如

墨連夜五日乃止 明帝太寧元年春正月己卯朔日

暈無光癸巳黃霧四塞二月乙丑黃霧四塞 宋 日死

文帝元嘉四年冬十月辛卯日晝昏凡十日乃明 日死

漢成帝河平元年春正月二日日出赤如血無光食後

乃復 孝靈帝時日數出東方正赤如血無光高二丈

餘乃有景且入西方去地二丈亦如之宋孝武帝大

明七年冬十一月日始出四五丈色赤如血未沒四五

丈亦如之至八年春凡三度謂之日死齊建元元年

冬十二月未時日暈色黃無光至申乃散二年閏月

乙酉日黃無光四年冬十一月丙午日黃色無光

永明五年冬十一月丁亥日出五竿失色赤黃暈抱珥

直日赤如血無光後魏文成帝興安元年冬十一月已

脊日赤如血無光卯日出赤如血宣武帝正始三年

冬十月乙巳日赤無光延昌元年冬十日五色晉武

月甲戌至辛卯日初出及將沒赤白無光帝太

康元年春正月己丑朔日無光後魏孝文帝太和十一

五色氣冠日自卯至酉年冬十一月丁亥日失

色孝明帝熙平元年春三月丁丑日出無光至申酉

時神龜三年冬十月己巳太史奏自八月以來黃埃

掩日日出三丈色如赭無光曜節閏帝普泰日暈及

元年春三月丁卯日月並赤赭色天地溷濁

背珥冠

孝章建初七年夏四月丙寅日加卯西面有抱須臾成暈 殤帝延平元年夏六月丁未日暈

上有半暈暈中外有珥背兩珥冬十二月丙寅日暈再重中有背珥 孝順帝永和六年春正月己卯暈兩珥

中赤外青白虹貫暈中 晉孝愍帝建興五年春正月

日有重暈左右兩珥 明帝太寧元年春正月己卯朔

日暈無光 安帝隆安元年冬十二月壬辰日暈有背

珥 義熙六年夏五月丙子日暈有珥 恭帝元熙二

年春正月壬辰白氣貫日東西有直珥各一丈白氣貫

之交 陳文帝天嘉八年夏四月甲子日有交暈白

貫之 後魏道武帝皇始二年冬十月壬辰日暈有背

珥 孝文帝太和二年春正月辛亥日暈東西兩珥

四年春正月癸丑日暈東西有背 八年春正月戊寅

有白氣貫日 宣武帝延昌二年夏四月甲辰卯時暈

匝西有一背黃南北有珥內赤外黃漸減冬十二月己

酉日暈北有一抱內赤外黃白兩傍有珥下 孝明帝

正光五年閏月乙酉日暈內赤外青南有珥下有抱兩

背內赤外青冬十二月丙申日暈南北有珥上有抱一

背孝昌三年夏五月戊戌辰時暈匝內赤外白兩珥

冬十一月戊寅辰時暈東面不合內赤外黃孝武帝

永熙三年夏六月己丑日暈有重珥上有背長二日暈

丈餘冬十一月己巳辰時日暈不合東西有珥背日暈

再重周幽王末年日暈再重內赤外青有一黑畫上下

通在日中晉武帝泰始五年秋七月甲寅日暈

再重白虹貫之惠帝元康元年冬十一月甲申日暈

再重青赤有光永康元年春正月癸亥朔日暈三重

太安二年春三月甲戌日暈東西兩處不合其狀如

抱孝愍帝建興五年春正月日有重暈左右兩珥

後魏孝明帝正光五年春三月丁卯日暈三重外青內

赤孝昌元年夏五月日暈再重節閔帝普泰元年

冬十一月日暈再重東魏孝靜帝武定三年冬十日

一月壬申日暈兩重東南東北有珥在西兩重背

暈五重

晉孝懷帝永嘉二年春二月癸卯青黃暈

虹貫

後漢光武建武七年夏四月丙寅日有暈抱白虹貫

日暈

孝靈帝光和六年春二月乙未白虹貫日

孝

獻帝初平元年春二月壬辰白虹貫日

十一年春二月白虹貫日

晉孝懷帝永嘉二年春正

月戊申白虹貫日

明帝太寧元

年冬十一月丙子白虹貫日

成帝咸和九年秋七月

白虹貫日

咸康元年秋七月白虹貫日

月白虹貫日

海西公太和四年夏四月戊辰白虹貫

日

六年春三月辛未白虹貫日

二月甲子白虹貫日

中三月庚子白虹貫日

年日在東井有白虹十餘丈在南干日

梁武帝太清

元年春二月白虹貫日

三年春正月白虹貫日

魏孝文帝延興五年春正月丁酉白虹貫日

太和十

三年春三月戊戌白虹貫日

宣武帝延昌元年冬十

一月巳酉白虹貫日 孝明帝神龜元年春三月丁丑
白虹貫日 正光三年夏五月白虹貫日 孝昌三年
冬十二月丙戌白虹貫日 東魏孝靜帝元象元年冬
十二月白虹貫日 後周孝武帝保定五年白虹貫日
建德二年春二月辛亥白虹貫日 靜帝大定元年
冬十一月巳未白虹貫日 隋文帝開皇元年春正月
巳巳白
虹夾日

月

兩月並見

漢孝成帝建始元年秋八月戊午晨漏未盡
三刻有兩月相承晨見東方 梁武帝太清

二年春正月癸巳朔兩月相承如鈞見于西方 西魏
文帝大統十四年春正月朔兩月並見 隋煬帝大業

九年春正月二十月晝明 梁簡文帝大寶元年春正
七旦兩月並見 月丙寅月晝見于東方 星

入月中

後漢孝明帝永平十五年冬十一月乙丑太白入月中 晉孝惠帝太安二年冬十一月庚辰

歲星入月中

元帝太興三年冬十二月己未太白入

月在斗

成帝咸康元年春二月乙未太白八月六

年春二月乙未

太白八月 孝武帝太元十二年春二

月戊寅熒惑入

月 十三年冬十二月戊子辰星八月

壽四年夏六月庚午有星入月中數日而退

十八年春正月乙酉熒惑入月 隋文帝仁

星

五星合聚

周武王將伐商五星聚于房 齊桓公將霸諸侯五星聚于箕 漢高祖元年入秦五星

聚于東井以厯推之從歲星也

四星合聚

漢孝平帝元始四年四星聚于柳張各五日 後漢孝獻

帝初平元年四星聚于箕尾

建安二十五年四星又

聚西晉懷帝永嘉六年秋七月四星聚于牛女之間

孝武帝太元十九年冬十月四星合于氐 安帝義熙三年春二月癸亥土火金水聚于奎婁從填星也

九年春二月壬辰木火土金聚于東井從歲星也 後魏明元帝永興四年春二月壬辰木火土金聚于東井

後木火入鬼 節閏帝普泰元年冬 三星合聚 漢孝文十月甲寅金火土木入參背甚明 帝後六

年夏四月乙巳三星合于東井 孝景帝元年秋七月乙丑金木水三星俱合於張 後漢孝和帝永元二年

春正月乙卯金木俱合於奎 丙寅水又在奎 辛未水金木在婁 五年夏四月金火水俱聚于東井 七年春

二月癸酉金火俱在參 戊寅在井 秋八月甲寅水土金俱在軫 冬十二月丙辰火金水俱在斗 孝靈帝光和

五年冬十月木火金合於虛 相去各五六寸如連珠 建孝獻帝初平元年冬十一月庚戌土火金合於尾

安十八年秋木土火合於太微逆行留守帝座百餘日 晉惠帝元康三年填星歲星太白三星聚于畢昴

孝懷帝永嘉六年秋七月火木金聚于牛女之間 孝

武帝大元十七年秋九月丁丑木火土同在氐 宋文

帝元嘉二十三年春二月金火水合於東井 後魏道

武帝天賜四年春二月癸亥火土金聚 後周宣帝宣

政元年夏六月壬午木火金合于井 靜 老人星 梁天

帝大象元年夏四月戊子金木水合于井 監四

年秋八月庚子老人星見自此後每常 流星 自上而降

以秋分後見於參南至春分而伏矣 曰流自下

而升曰飛 秦始皇二年三月乙未有流星大小西行

不可勝數至曉乃息 漢孝昭帝始元中有流星下燕

萬載宮極東去 元平元年春二月甲申晨有流星大

如月衆星皆隨西行三月丙戌流星出翼軫東北于太

微入紫宮始出小且入大有光入有頃聲如雷三鳴乃

止 孝成帝建始元年秋九月戊子有流星出文昌色

白光燭地長可五六丈大四圍所詘折委曲貫紫宮西

在斗西北子亥間復詘如環北方不合留一刻所 元

延元年夏四月丁酉日晡時天腥晏隱隱如雷聲有流星頭大如缶長十餘丈皎然赤白色從日下東南去四面或大如盂或如雞子燿燿如雨下至昏止 綏和元年春二月辛未流星從東南入北斗長數十丈二刻所息 先武建武十年春三月癸卯流星如月從太微出入北斗魁第六星色白傍有小星射者十餘枚滅則有聲如雷食頃止冬十二月己亥大流星如缶出柳西南行入軫且滅時分為十餘如遺火狀須臾有聲隱隱如雷 十二年春正月己未小星流百枚以上或西北或正北或東北二夜止夏六月戊戌晨小星流百枚以上四面行 中元二年冬十月戊子大流星從西南東北行聲如雷 孝明帝永平元年夏四月丁酉流星大如斗起天市樓西南行光照地 七年春正月戊子流星大如杯從織女西行光照地 孝章帝建初二年秋九月甲寅流星過紫宮中長數丈散為三滅 孝和帝永元元年春正月辛卯有流星起參長四大有光色黃

白一云大如拳起參東南又云大如桃色赤起太微東
蕃二月流星起天棓東北行二丈所滅色青白壬申夜
有流星起太微東蕃長三丈三月丙辰流星大如桃起
天津東至斗黃白頻有光壬戌有流星起天將軍東北
行色黃無光 二年春二月丁酉有流星大如桃起紫
宮東蕃西北行五丈稍滅四月丙辰有流星大如瓜起
文昌東北西南行至少微有頃音如雷八月丁卯有流
星如雞子起太微西東南行四丈所消冬十月癸未有
流星大如碗起天津西行六丈所消十一月辛酉有流
星大如拳起紫宮西行到胃消 三年秋九月丁卯有
流星大如雞子起紫宮西南至北斗柄間消 七年春
正月丁巳有流星起天津入紫宮中滅色青黃有光冬
十二月乙卯有流星起文昌入紫宮消 十一年夏五
月丙午有流星大如瓜起氐西南行稍有光白色 十
六年冬十月辛亥流星起勾陳北行二丈有先色黃
元興元年春二月庚寅有流星起角亢五丈所夏四月

辛亥有流星起斗東北行到須女秋七月巳巳有流星
起天市五大所其色光赤孝順帝永和三年春二月
辛丑有流星大如斗從西北行長八九尺色赤黃有聲
隆隆然如雷孝桓帝永壽元年秋九月巳酉晝有流
星長二尺所色黃白孝靈帝熹平二年夏四月有流
星出文昌入紫宮蛇行有首尾無身赤色有光照垣牆
光和元年夏四月癸丑流星犯軒轅第二星東北行
入北斗魁中中平中夏流星赤如火長三大起河鼓
入天市抵觸官者星色白長二三丈後尾再屈食頃乃
滅魏明帝景初二年秋八月丙寅夜有大流星長數
十丈白色有芒鬣墜遼東襄平城東南陳留王景元
四年夏六月有大星二並如斗見西方分流南北光照
地隆隆有聲蜀後主建興十三年諸葛亮屯渭南有
星流投亮營三投再還晉懷帝永嘉元年秋九月辛
卯有大星如日自西南流于東北小者如斗相隨天盡
赤聲如雷元帝永昌元年秋七月甲午有流星大如

甕長百餘丈青赤色從西方來尾分為百餘岐方散
成帝咸康三年夏六月辛未流星大如斗二魁色青赤
光耀地出奎中沒婁北六年春二月庚午朔有流星
大如斗光耀地出天市西行入太微穆帝永和八年
夏六月辛巳日未入有流星大如三斗魁從辰巳上東
南行以晷度推之在奎斗之間蓋燕分也十年夏四
月癸未流星大如斗色赤黃出織女沒造父有聲如雷
海西公太和四年冬十月壬申有大流星西下有聲
如雷安帝隆安五年春三月甲寅流星赤色衆多西
行經牽牛虛危天津閣道貫太微紫宮宋文帝元嘉
十年冬十二月有流星大如甕尾長二十餘丈孝武
孝建初二月流星大如月西行梁武帝太清三年春
正月戊辰有流星長三十丈墮武庫元帝承聖三年
冬十一月庚子夜有流星墜江陵城中後魏道武帝
登國四年春三月丁未有大流星東南行尾屬地六七
丈有聲天興元年冬十一月乙酉有流星照地啾啾

有聲 文成帝興安元年夏五月辛亥流星大如五斗
許西南為六七段有聲 後周武帝天和四年夏四月
庚午有流星大如斗出左攝提流至天津中有聲如雷
建德六年冬十二月癸丑流星大如月西流有聲蛇
行屈曲光照地戊辰平旦有流星大如三斗毬色青出
紫宮 靜帝大象元年夏六月丁卯有流星大如雞子
出氏中西北流有尾長一丈所入月中即滅己丑有流
星大如斗出營室 二年閏五月甲辰有流星一大如
三斗毬出太微端門流入翼色青白聲如風卷旗秋七
月壬子有流星大如斗出五車東北 隋文帝開皇元
年冬十一月己巳有流星聲如隕墻光燭地 五年秋
八月戊申有流星數百四散而下 煬帝大業十二年
秋八月壬子有大流星如斗出王良閣道 奔星 光迹相
聲如隕墻癸丑有大流星如甕出羽林 連曰流
絕迹而去曰奔晉太元二年冬十月 飛星 飛類於流自
乙卯有奔星東南經翼軫聲如雷 下而上曰飛

漢成帝陽朔四年閏月庚午星隕周莊王十年夏四月
飛星大如缶西南入斗下辛卯夜恒星不見夜

中星隕如雨襄王元年星晝隕于秦八年春正月

戊申朔隕石于宋五傳曰隕星也前漢成帝永始二

年春二月癸未夜過中星隕如雨長一二丈繹繹未至

地滅至雞鳴止後漢更始元年夏有流星墜昆陽王

尋王邑營中晝有雲如壞山當營而隕不及地尺而散

晉武帝泰始四年秋七月星隕如雨皆西流太康

九年秋八月壬子星晝隕如雨孝惠帝大安二年冬

十一月辛巳有星晝隕中天北下光變白有聲如雷

永興元年秋七月乙丑星隕有聲二年冬十月星又

隕有聲孝懷帝永嘉四年冬十月庚子大星西北墜

有聲恭帝元熙元年西涼星隕梁武帝中大通四

年秋七月甲辰星隕如雨元帝承聖元年星隕吳郡

後魏道武帝登國九年有星墜于河北聲如雷震光

明燭天地隋文帝開皇十九年星隕于勃海煬帝

大業十一年冬十二月戊寅大流星如斛墜賊盧明月營十二年夏五月有大流星隕於吳郡為石十三

年夏五月辛亥大流星隕於江都

客星

非其常有曰客星漢武帝元光元年夏六月有客星見于房

孝昭帝元鳳四年客星在紫宮中斗樞極間孝宣帝地節元年夏六月戊戌甲夜客星居左右角間東南

指長可二尺色白其丙寅又有客星見于貫索東北南行至秋七月癸酉夜入天市芒炎東南指其色白黃

龍元年春三月客星居王良東北可九尺長丈許西指出閣道間至紫宮孝元帝初元元年夏四月有客星

大如瓜色青白在南斗第二星東可四尺二年夏五月客星見于昴分居卷舌東可五尺色青白炎長三寸

後漢光武建武三十一年秋七月有客星見軒轅炎二尺所西南行至明年二月二十二日在輿鬼東北六

尺所凡百十三日滅孝明帝永平四年秋八月辛酉客星出梗河西北指貫索七十日去八年冬十二月

戊子客星出東方 九年春正月戊申客星出牽牛長八尺歷斗建箕過角亢至翼芒東指見至五十日滅

十三年冬十一月客星出于軒轅四十八日 十四年

春正月戊子有客星出昴六十日在軒轅右角稍滅

孝章帝元和元年夏四月客星晨出東方在胃八度歷

閭道入紫宮留四十日滅 孝和帝永元十三年冬十

一月乙丑軒轅第四星間有小客星色青黃 十六年

夏四月戊午客星從紫宮西行至昴五月壬申滅 孝

安帝永初元年秋八月戊申有客星在東井弧星西南

四年夏六月丙子客星大如李蒼白芒氣長三尺指

上階星 元初三年冬十一月甲午客星見于西方巳

亥在虛危南至胃昴 延光四年冬十一月客星見天

市 孝順帝永建六年冬十二月壬申客星芒氣長二

尺餘西南指色蒼白在牽牛六度 陽嘉元年閏月戊

子客星氣白廣二尺長五丈起天苑西南 孝桓帝延

熹四年夏五月辛酉客星在營室相順行生芒長五尺

所至心一度轉為彗 孝靈帝中平二年冬十月癸亥
有客星出南門中大如半筵五色喜怒稍小至後年六
月消 五年夏六月丁卯客星如三升椀出貫索西南
行入天市至尾而消 魏文帝黃初三年秋九月甲辰
客星見太微左掖門內 明帝景初二年冬十月客星
見危逆行在離宮北騰蛇南甲辰犯宗星巳酉乃滅
高貴鄉公甘露二年冬十月丁丑客星見太微中轉東
南行歷軫宿七十日滅 晉武帝太熙元年夏四月客
星在紫宮 孝惠帝永興元年夏五月客星守畢 海
西公太和四年春二月客星見紫宮西垣至七日乃滅
滅 孝武帝太元十一年春三月客星在南斗至六月乃
元興元年冬十月有客星色白如粉絮在太微西至十
二月入太微 後周武帝保定元年秋九月乙巳客星
見于翼 天和三年秋七月巳未客星見房心白如粉
絮大如斗漸大東行八月入天市長如匹許復東行犯

河鼓右將癸未犯瓠瓜又入室犯離宮九月壬寅入奎
稍小壬戌至婁北一尺所滅凡六十九日建德三年

春二月戊午有客星大如桃出五車東南

彗星

隋志曰
字星彗

入文昌又入北斗魁中凡見九十三日

之屬也偏指曰彗芒氣四出曰孛彗星者埽星也有五
色春秋時齊有彗星齊君禳之晏子曰無益也周貞

定王二年彗星見

顯王八年彗星見于西方

赧王

十年彗星四見

十二年彗星見

十九年彗星見

見

秦始皇七年彗星先見東方見北方五月見西方九
年彗星見或竟天是歲彗星復見西方又見北方從斗

南八十日

十三年彗星見東方

漢孝景帝二年冬

十二月彗星出西南

中三年春三月丁酉彗星見西

北色白長大在觜觿且去益小十五日不見

孝元帝

初元五年夏四月彗星出西北赤黃色長八尺所數日

長丈餘東北指在參分

孝哀帝建平二年春二月彗

星出牽牛七十餘日

後漢建武十五年春正月丁未

彗星見昴炎長三丈稍西北行入營室犯離宮二月乙未至東壁滅四十九日三十年閏月甲午水在東井

二十度生白氣東南指炎長五尺為彗東北行至紫宮西藩止五月甲子不見凡見三十一日孝明帝永平

三年夏六月丁卯彗星出天船北長二尺所稍北行至亢南百三十五日去十八年夏六月己未彗星出張

長三尺轉在郎將南入太微孝章帝建初元年秋八

月庚寅彗星出天市長三尺所稍行入牽牛三度積四

十日稍滅二年冬十二月戊寅彗星出婁三度長八

九尺稍入紫宮百六十日稍滅孝安帝永初三年冬

十二月彗星起天苑南東北指長六七尺色蒼白孝

順帝永和六年春二月丁巳彗星見東方長六七尺色

青白西南指營室及墳墓丁丑彗星在奎一度長六尺

癸未昏見西北厯昴畢甲申在東井遂厯興鬼七星張

光延及三台至軒轅中滅孝桓帝建和三年秋八月

乙丑彗星芒長五尺見天市中東南指色黃白九月戊

辰不見 孝靈帝光和元年秋八月彗星出亢北入天市中長數尺稍長至五六丈赤色經厯十餘宿八十餘日乃消於天苑中 三年冬彗星出狼弧東行至于張乃去 五年秋七月彗星出三台下行入太微至太子幸臣二十餘日而消 中平五年春二月彗星出奎逆行入紫宮復三出六十餘日乃消 孝獻帝初平四年冬十月彗星出兩角間東北行入天市中而滅 魏明帝青龍四年冬十一月己亥彗星見犯宦者星天紀星景初二年秋八月癸丑彗星見張長二尺逆西行四十一日乃滅 齊王正始元年冬十月乙酉彗星見于西方在尾長二丈拂牽牛犯太白十一月甲子進犯羽林 六年秋八月戊午彗星見七星長二尺色白進至張積二十三日滅 七年冬十一月癸亥彗星見軫長一尺積百五十六日滅 九年春三月彗星見昴長六尺色青白芒西南指秋七月又見翼長二尺進至軫積四十二日滅 嘉平四年春二月丁酉彗星見于西方

在胃長五六丈色白芒南指貫參積二十日減五年
冬十一月彗星又見軫長五丈在太微左執法西東南

指百九十九日滅高貴鄉公正光二年春正月彗星見

于吳楚分西北竟天甘露二年冬十一月彗星見角

色白陳留王景元三年冬十一月壬寅彗星見亢色

白長五寸轉北行積四十五日滅咸熙二年夏五月

彗星見王良長丈餘色白東南指積十二日滅晉武

帝泰始四年春正月丙戌彗星見軫青白色西北行又

轉東行孝惠帝永康元年冬十二月彗星出牽牛西

指天市二年夏四月彗星見于齊分太安元年夏

四月彗星書見二年春三月彗星見于東方指三台

成帝咸康二年春正月辛巳彗星見西方在奎康

帝建元元年冬十一月六日彗星見亢長七尺白色

穆帝永和五年冬十一月乙卯彗星見亢芒西向色白

長一丈六年春正月丁丑彗星又見亢升平二年

夏五月丁亥彗星出天船在胃孝武帝寧康三年春

三月丙戌彗星見氏安帝義熙十一年夏五月甲申
彗星二出天市埽帝座在房心北十四年秋七月癸
亥彗星出太微西柄起上相星下芒漸長至十餘丈進
埽北斗紫微中台宋文帝元嘉十九年秋九月丙辰
有客星在北斗因為彗入文昌貫五車埽畢拂天節經
天苑季冬乃滅二十六年彗星見太微二十八年
夏四月己酉彗星見昴六月壬子彗星見太微中對帝
座齊和帝中興元年彗星竟天梁武帝大同五年
冬十月辛丑彗星出南斗長一尺餘東南指漸長丈餘
至婁滅陳文帝天嘉元年秋九月癸丑彗星見長四
尺芒指西南六年夏六月辛酉彗星見上台長丈餘
廢帝光大二年夏六月彗星見宣帝大建十三年
冬十二月辛巳彗星見西南後魏道武帝天興四年
春正月彗星見于西方孝文帝太和六年秋八月戊
午彗星見于七星長二尺色白行至張積四十餘日滅
七年冬十月癸亥彗星見軫長一丈六十日乃滅

九年春二月彗星見昂長一尺秋七月又見翼長二尺
進至軫 正光元年九月辛亥彗星出東方長尺三寸

北齊武成帝河清四年春三月彗星見 後主天統

元年夏六月壬戌彗星出文昌東北其大如手經紫微

後稍長至大餘百餘日滅於虛危 四年夏六月彗星

見于東井 後周武帝保定五年夏六月庚申彗星出

三台入文昌經紫宮漸長大餘後百餘日稍短長二尺

五寸在虛危滅 天和三年夏六月甲戌彗星見東井

長一丈上白下赤而銳東行至鬼北八寸乃滅 隋文

帝開皇十四年十一月癸未有彗星于虛危及奎婁

煬帝大業三年春二月己丑彗星見于東方文昌厯

太陵五車北河入太微埽帝座前後百餘日而止 四

年秋九月戊寅彗星出五車埽文昌至房而 彗星 偏指

滅 大業十三年秋九月有彗星見於營室 彗星 曰彗

芒氣四出曰彗彗亦為彗彗者非常惡氣之所生也彗

然為粉絮 春秋魯文公十四年有星于北斗 昭

公十七年冬有星孛于大辰西及漢哀公十三年冬
十月有星孛于東方十四年冬有星孛漢高帝三
年秋七月有星孛于大角旬餘乃入孝文帝後七年
秋九月有星孛于西方其本直尾箕末指虛危長丈餘
及天漢十六日不見孝景帝二年冬十二月有星孛
于西南中二年夏四月有星孛于西北中三年秋
九月有星孛于西北孝武帝建元三年春三月有星
孛于星張厯太微干紫宮至于天漢是歲夏四月有星
孛于天紀至織女秋七月有星孛于西北四年秋七
月有星孛于東北六年夏六月有星孛于北方秋八
月有星孛于東方長竟天元狩三年春有星孛于東
方四年春有星孛于東北元封元年秋有星孛于
東井又孛于三台元封中有星孛于河戒太初中
有星孛于招搖後元二年秋七月有星孛于東方
孝昭帝始元三年春二月有星孛于西北孝宣帝地
節元年春正月有星孛于西方去太白二丈所神爵

元年夏六月有星孛于東方 黃龍元年春三月有星孛于王良閣道入紫宮 孝元帝初元五年夏四月有

星孛于參 孝成帝建始元年春正月有星孛于營室

青白色長六七丈廣尺餘 元延元年秋七月有星孛

于東井踐五諸侯出河戒北率行軒轅太微後日六度

有餘晨出東方十三日夕見西方犯次妃長秋斗填螽

炎再貫紫宮中大火當後達天河除於妃后之城南逝

度犯大角攝提至天市而按節徐行炎入市中旬而後

西去五十六日與蒼龍俱伏 孝哀帝建平三年春三

月有星孛于河鼓 王莽地皇三年冬十一月有星孛

于張東南行五日不見 後漢孝桓帝延熹四年夏五

月有星孛于心 孝獻帝建安五年冬十月辛亥有星

孛于大梁 九年冬十一月有星孛于東井輿鬼入軒

轅太微 十一年春正月有星孛于北斗首在斗中尾

貫紫宮及北辰 十二年冬十月辛卯有星孛于鶉尾

十七年冬十二月有星孛于五諸侯 二十二年冬

有星孛于東北 二十三年春三月孛星晨見東方二十餘日夕出西方犯厯五車東井五諸侯文昌軒轅后妃太微鋒炎指帝座 魏文帝黃初六年冬十月乙未有星孛于少微厯軒轅 明帝太和六年冬十月丙寅有星孛于翼近太微上將星 青龍四年冬十月甲申有星孛于大辰長三尺乙酉又孛于東方 齊王嘉平三年冬十一月癸亥有星孛于營室西行積九十日滅晉武帝泰始五年秋九月有星孛于紫宮 十年冬十二月有星孛于軫 咸寧二年夏六月甲戌有星孛于氐秋七月有星孛于大角八月有星孛于太微至翼北斗三台 三年春正月有星孛于西方三月有星孛于胃夏四月有星孛于女御五月又孛于東方秋七月有星孛于紫宮 五年春三月有星孛于柳夏四月有星孛于女御秋七月有星孛于紫宮 太康二年秋八月有星孛于張冬十一月有星孛于軒轅 四年春二月戊申有星孛于西南 八年秋九月有星孛于南斗

長數十丈十餘日滅 孝惠帝元康五年夏四月有星

孛于奎至軒轅太微經三台大陵 永興二年秋八月

有星孛于昂畢冬十月丁丑有星孛于北斗 成帝咸

和四年秋七月有星孛于西北犯斗二十三日滅 咸

康六年春二月庚辰有星孛于太微 哀帝興寧元年

秋八月有星孛于角亢入天市 孝武帝寧康二年春

正月丁巳有星孛于女虛經氏亢角軫翼張秋九月丁

丑有星孛于天市 太元十五年秋七月壬申有星孛

于北河經太微三台文昌入北斗色白長十餘丈八月

戊戌入紫微乃滅 安帝隆安四年春二月己丑有星

孛于奎長三丈上至閣道紫宮西蕃入北斗魁至三台

三月遂經于太微帝座端門冬十二月戊寅有星孛于

貫索天市天津 義熙十四年夏五月庚子有星孛于

北斗魁中 恭帝元熙元年春正月戊戌有星孛于太

微西蕃 宋武帝永初三年春二月丙戌有星孛于虛

危是歲冬十一月戊子有星孛于營室 少帝景平元

年春正月己卯有星孛于東壁冬十月己未有星孛于
氏陳宣帝大建七年夏四月丙戌有星孛于大角

北齊後主天統四年秋七月有星孛于房心白如粉絮
大如斗東行八月八天市漸長四丈犯觜爪厯虛危入

室犯離宮九月入奎至婁滅後周武帝建德三年夏
四月乙卯有星孛于紫宮垣外大如拳赤白色指五帝

坐東南行稍長丈五尺五月甲子至上台北滅隋煬
帝大業十一年夏六月有星孛于文昌東南長五六寸

色黑而銳夜動搖西北行數日至文昌去紫宮四寸不
入却行而滅十三年六月有星孛于太微五帝座色

黃赤長三四天狗隋志曰狀如大奔星色黃有聲其止
尺數日而滅地類狗所墜望之炎炎如火光衝天

其上銳其下圓如數頃田處或曰星有毛旁有矩彗下
有狗形者或曰星出其狀赤白有光下即為天狗一曰

流星有光見人面墜無音若有足者曰天狗其色白其
中黃如遺火狀漢孝文帝六年秋八月天狗下梁壁

孝景帝三年秋七月天狗下 孝哀帝建平元年春

正月丁未日出時有著天白氣廣如一匹布長十餘丈

西南行謹如雷西南行一刻而止名曰天狗 後漢獻

帝初平四年夏六月辛丑天狗西北行 晉穆帝升平

四年冬十月庚戌天狗見西南 孝武帝太元十三年

閏月戊辰天狗東北見有聲 北齊孝昭帝皇建二年

天狗下 枉矢 說苑曰枉矢辰星盈縮之所生也又曰機

晉陽 枉矢 星散為枉矢又曰五星盈縮之所生也弓

弩之象也巫咸曰枉矢類大流星也色蒼黑蛇行望之

如有毛目長數匹又曰黑彗分為枉矢枉矢者射是也

秦二世二年項羽救鉅鹿枉矢西流 孝惠帝元康

四年秋九月甲午枉矢東北行竟天 六年夏六月丙

午夜有枉矢自斗魁東南行 光熙元年夏五月枉矢

西南流 元帝太興三年夏四月壬辰枉矢出虛危沒

翼軫 穆帝升平二年冬十二月枉矢自東南流于西

北其長半天 隋煬帝大業十二年秋九月戊午有枉

矢二出北斗魁委

蚩尤旗

孟康曰熒惑之精也流為蚩尤旗晉灼曰呂氏春秋云其

曲蛇形注於南斗

色黃上白下夏氏曰望之無雲獨見赤雲成者是也或

曰形如箕可長三丈末有星

漢武帝建元六年秋八

月長星出于東方長亘天三十日去占曰為蚩尤旗

後漢獻帝初平三年秋九月蚩尤旗見長十餘丈色白

出角亢之南

魏高貴鄉公正元元年冬十月白氣出

南斗側廣數丈長亘天王肅曰蚩尤旗也

晉武帝咸

寧四年夏四月蚩

長星

漢孝文帝八年夏有長星出于

尤旗見于東井

東方

孝武帝元狩四年夏有

長星出于西北

後漢孝明帝永平八年夏六月壬午

長星出于柳張三十七度犯軒轅刺天船陵太微氣至

上階凡見五十六日去

晉孝武帝太元二十一年長

星見

恭帝元熙二年夏四月長星竟天齊東昏侯

永元三年春正月乙巳長星見亘天梁武帝中大通

五年春正月巳酉長星見

隋煬帝大業三年春正月

有長星竟天出於東壁二旬而止
蓬星
漢孝景帝中三年夏六月壬戌有蓬星見于西南在房南去房

可二丈如二斗麗色白癸亥在心東北可長丈所甲子在尾北可六丈丁卯在箕北近漢稍小去時大如桃壬申去凡十日
孝昭帝始元中蓬星出于西方天市東門行過河鼓入營室中

地 山附

地震

周幽王二年西周涇渭洛三川皆震
春秋魯文公九年秋九月癸酉地震
襄公十六年夏五月

甲子地震

昭公十九年夏五月巳卯地震

二十三年秋八月乙未地震

哀公三年夏四月甲午地震

二十三年

漢孝惠帝二年春正月隴西地震

壓四百餘家

呂后二年春正月乙卯地震

羌道

孝文帝元年夏四月齊

楚地震

五年春二月地震

孝景帝後元年夏五月

征和二年秋

地震

孝武帝元光四年夏五月地震

征和二年秋

八月癸亥地震壓殺人後元元年秋七月地震往往
涌泉出孝宣帝本始元年夏四月庚午地震四年

夏四月壬寅地震河南以東四十九郡北海琅邪壞祖

宗廟城郭殺六千餘人孝元帝初元二年春二月戊

午地震于隴西郡毀落太上皇廟殿壁木飾壞敗礪道

縣城郭官寺及民室屋壓殺人衆永光三年冬地震

建昭二年冬十一月齊楚地震孝成帝建始三年

冬十二月戊申夜未央宮殿中地震河平三年春二

月捷為地震積二十一日百二十四動綏和二年秋

九月丙辰地震自京師至北邊郡國三十餘壞城郭凡

殺四百一十五人後漢世祖建武二十二年秋九月

郡國四十二地震南陽尤甚孝章帝建初元年春三

月甲寅山陽東平地震孝和帝永元四年夏六月丙

辰郡國十三地震五年春二月戊午隴西地震七

年秋七月乙巳易陽地裂九月癸卯京師地震九年

春三月庚辰隴西地震孝安帝永初元年夏六月丁

已河東楊地陷東西百四十步南北百二十步深三丈
五尺是歲郡國十八地震三年冬十二月辛酉郡國

九地震四年春三月癸巳郡國九地震秋九月甲申

益州郡地震五年春正月丙戌郡國十地震七年

春二月丙午郡國十八地震元初元年春二月巳卯

日南地坼長百八十二里廣五十六里夏六月丁巳河

東地陷是歲郡國十五地震二年夏六月洛陽新城

地裂冬十一月庚申郡國十地震三年春二月郡國

十地震秋七月緱氏地震冬十一月癸卯郡國九地震

四年郡國十三地震五年郡國十四地震六年

春三月乙巳京都郡國四十二地震或坼裂水泉涌出

敗壞城郭民室屋壓殺人冬十二月郡國八地震永

寧元年郡國二十三地震建光元年冬十一月巳丑

郡國三十五地震或坼裂壞城郭室屋壓殺人延光

元年秋七月癸卯京都及郡國十三地震九月甲戌郡

國二十七地震二年京都及郡國三十二地震三

年京都及郡國二十三地震	四年冬十月丁巳京都
及郡國十六地震	孝順帝永建三年春正月丙子京
都地震漢陽地裂屋壞殺人	陽嘉二年夏四月巳亥
京都地震六月丁丑雒陽宣德亭地圻長八十五丈	
四年冬十二月甲寅京都地震	永和二年夏四月庚
申京都地震冬十一月丁卯京都地震	三年春二月
乙亥京都及金城隴西地震裂城郭室屋多壞壓殺人	
夏閏四月巳酉京都地震	四年春三月乙亥京都地
震	五年春二月戊申京都地震
京州郡六地震從去年秋九月以來至夏四月凡百八	
十日震山谷圻裂壞敗城寺傷害人物	秋九月丙午京
都及太原鴈門地震三郡水涌土裂	孝桓帝建和元
年夏四月庚寅京都地震六月郡國六地裂水涌出井	
溢壞寺屋殺人	秋九月丁卯京都地震
三年秋九月	
巳卯京都地震	庚寅又震
元嘉元年冬十一月辛巳	
京都地震	二年春正月丙辰京都地震
冬十月乙亥	

京都地震 永興二年春二月癸卯京都地震 永壽

二年冬十二月京都地震 三年秋七月河東地陷

延熹元年秋七月己巳雲陽地裂 四年夏六月京兆

扶風及涼州地震 五年夏五月乙亥京都地震 八

年夏五月丙辰維氏地裂 秋九月丁未京都地震

永康元年夏五月丙申雒陽高平永壽亭及上黨汝氏

地裂 孝靈帝建寧四年春二月癸卯地震夏五月河

東地裂十二處裂合長十里一百七十步廣者三十餘

步深不見底 熹平二年夏六月北海地震 六年冬

十月辛丑地震 光和元年春二月己未地震夏四月

丙辰地震 二年春三月地震 三年自秋至明年春

酒泉表氏地八十餘震涌水出城中官寺民舍皆頽縣

易處更築城郭 孝獻帝初平二年夏六月丙戌地震

四年冬十月辛丑地震十二月辛丑地震 興平元

年夏六月丁丑地震戊寅又地震 建安十四年冬十

月荆地震 吳大帝黃武四年江東地連震 魏明帝

青龍二年冬十一月京都地震從東來隱隱有聲搖屋瓦景初元年夏六月戊申京師地震是歲江東地亦震吳大帝赤烏二年春二月地再震魏齊王正始二年冬十一月南安郡地震三年秋七月甲申南安郡地震冬十二月魏郡地震六年春二月丁卯南安郡地震吳赤烏十一年春二月江東地仍震蜀後主炎興元年蜀地震是歲蜀亡晉武帝泰始五年夏四月辛酉地震七年夏六月丙申地震咸寧二年秋八月庚辰河東平陽地震四年夏六月丁未陰平廣武地震甲子又震太康二年春二月庚申淮南丹陽地震五年春正月壬辰朔京師地震夏五月丙午宣帝廟地陷六年秋七月乙丑地震七年秋七月南安健為地震八月京兆地震八年春正月太廟地陷夏五月壬子建安地震秋七月陰平地震是月前殿地陷方五尺深數丈中有破船八月丹陽地震是歲郡國五地震九年春正月會稽丹陽吳興地震夏四月

辛酉長沙南海等郡國八地震秋七月至于八月地又
四震其三有聲如雷九月臨賀地震冬十二月又震
十年冬十二月巳亥丹陽地震 太熙元年春正月地
又震 孝惠帝元康元年冬十二月辛酉京都地震
四年春二月上谷上庸遼東地震夏五月淮南壽春地
陷方三十丈壞城府殺人六月壽春地圻人家陷死上
庸亦如之秋八月居庸地圻廣三十六丈長八十四丈
水出上庸四處地墜廣三十丈長百三十丈水出殺人
冬十月京都地震十一月滎陽襄城汝陰梁國南陽地
皆震十二月京都又震 五年夏五月丁丑地震六月
金城地震 六年春正月丁丑地震 八年春正月丙
辰地震 九年夏六月賈謐齋屋柱陷入地 太安元
年冬十月地震 二年冬十二月丙辰地震 孝懷帝
永嘉元年春三月洛陽東北步廣里地陷有二鷺出色
蒼者冲天白者不能飛 三年秋七月戊辰當陽地裂
三所廣三里長三百餘步冬十月荆湘二州地震 四

年夏四月兗州地震五月地震	孝愍帝建興元年冬十二月河東地震	二年夏四月甲辰地震	三年夏六月丁卯長安又地震	元帝太興元年夏四月乙酉西平地震	涌水出	二年夏五月己丑祁山地震	三年夏五月庚寅丹陽吳郡晉陵地震	成帝咸和二年春二月江陵地震	三月益州地震	夏四月己未豫章地震	九年春二月丁酉會稽地震	穆帝永和元年夏六月癸亥地震	二年冬十月地震	三年春正月丙辰地震	秋九月地又震	四年冬十月己未地震	五年春正月庚寅地震	九年秋七月丁酉京都地震	有聲如雷	十年春正月丁卯地震	聲如雷	雞雉皆鳴	响	十一年夏四月己酉地震	五月丁未地又震	升平二年冬十一月辛酉地震	五年秋八月涼州地震	哀帝隆和元年夏四月丁丑梁州地震	興寧元年夏四月甲戌揚州地震	二年春三月庚寅江陵地震	海西公太
--------------	-----------------	-----------	--------------	-----------------	-----	-------------	-----------------	---------------	--------	-----------	-------------	---------------	---------	-----------	--------	-----------	-----------	-------------	------	-----------	-----	------	---	------------	---------	--------------	-----------	-----------------	---------------	-------------	------

和元年春二月涼州地震水涌簡文帝咸安二年冬

十月辛未安成地震孝武帝寧康二年春二月丁巳

地震秋七月甲午涼州地震太元元年夏四月癸丑

地震二年春閏三月壬午地震夏五月丁丑地震

十一年夏六月巳卯地震十五年春三月巳酉朔夜

地震秋八月巳丑京都地震冬十二月巳未地震十

七年夏六月癸卯地震冬十二月巳未地震十八年

春正月癸亥朔地震二月乙未夜地震安帝隆安四

年夏四月乙未地震秋九月癸丑地震義熙四年春

正月壬子夜地震有聲冬十月癸亥地震五年春正

月戊戌夜尋陽地震有聲如雷八年春正月甲寅山

陰地陷方四丈有聲如雷自正月至于四月南康廬陵

地四震十年春三月戊寅地震夏五月戊寅西明門

穿湧水出宋武帝永初二年秋七月巳巳地震文

帝元嘉十二年夏四月都下地震十五年秋七月辛

未都下地震孝武帝大明二年夏四月辛丑地震

六年秋七月甲申地震有聲如雷兗州尤甚於是魯郡
山搖者二後廢帝元徽五年夏五月地震齊東昏
侯永元元年秋七月地震自此至來歲晝夜不止小屋
多壞梁武帝天監五年冬十一月甲子都下地震生
白毛普通二年秋八月丁亥始平郪石鼓村地自開
成井方六尺六寸深三十二丈三年春正月庚戌都
下地震六年冬十二月壬辰都下地震中大通五
年春正月戊申都下地震大同二年冬十一月辛亥
都下地震生白毛長二尺三年冬十月丙辰都下地
震七年春二月乙卯都下地震九年春閏正月丙
申地震生毛太清二年秋九月戊辰地震江左尤甚
壞屋殺人地生白毛長二尺三年夏四月己丑都下
地震丙申又震冬十月丁未又震陳武帝永定二年
夏五月乙未都下地震宣帝大建四年冬十一月己
亥地震後主禎明元年春正月乙未地震後魏宣
武帝延昌元年肆州地震陷裂殺人三年春二月肆

州秀容郡數城縣鴈門郡原平縣並自去年四月以來地震不已東魏孝靜帝武定二年冬十一月西河地

陷有火出北齊武成帝河清二年并州地震後周

武帝天和二年夏閏六月庚午地震建德三年涼州

地頻震壞城郭地裂水涌隋文帝開皇十四年夏五

月辛酉京師地震二十年冬十一月戊子立皇太子

廣天下地皆震仁壽二年夏四月庚山崩周幽王二

戌岐雍二州地震秋九月隴西地震山崩年岐山崩

春秋魯僖公十四年秋八月辛卯沙鹿崩成公五

年夏晉梁山崩壅河水三日不流漢高后二年春正

月乙卯武都道山崩殺七百六十人孝文帝元年夏

四月齊楚地山二十九所同日崩大水潰出孝宣帝

本始四年夏四月郡國四十九地震或山崩水出孝

元帝初元二年春二月隴西山崩水泉涌出建昭四

年夏六月藍田地沙石崩壅霸水安陵岸崩壅涇逆流

孝成帝建始三年冬十二月越雋山崩河平三年

春二月丙戌隄為柏江捐江山皆崩壅江水水逆流壞城殺人 四年春三月壬申長陵臨涇岸崩壅涇水

元延三年春正月丙寅蜀郡岷山崩壅江三月江水竭

後漢孝和帝永元元年秋七月會稽南山崩 十二

年夏閏四月戊辰南郡秭歸山高四百丈崩填谿谷殺百餘人 孝殤帝延平元年夏五月壬辰河東恒山崩

孝安帝永初六年夏六月壬辰豫章員谿原山崩共

六十三所 延光二年秋七月丹陽山崩四十七所

三年夏六月庚辰巴郡閬中山崩 四年冬十月丙午

蜀郡越嶲山崩殺四百餘人 孝順帝永和三年春二

月金城隴西山岸崩 孝桓帝建和三年郡國五山崩

和平元年秋七月廣漢梓潼山崩 永興三年夏六

月東海胸山崩 永壽元年夏巴郡益州郡山崩 延

熹三年夏五月甲戌漢中山崩 四年夏六月庚子泰

山博尤來山判解 孝靈帝光和六年夏五月原山崩

孝獻帝初平四年夏六月華山崩裂 吳大帝赤烏

十三年秋八月丹陽句容故鄣寧國諸山崩鴻水溢
魏元帝咸熙二年春二月太行山崩 晉武帝泰始三

年春三月戊午大石山崩 四年秋七月泰山墜三里

大康六年冬十月南安新興山崩水涌出 七年秋

七月朱提之大瀘山崩震壞郡舍陰平之仇池崖隕

惠帝元康四年蜀郡山崩殺人夏五月壬子壽春山崩

洪水出六月壽春大雷山崩秋八月上庸四處山崩殺

人 太安元年夏四月西塘崩 孝懷帝永嘉三年冬

十月宜都夷道山崩 四年夏四月湘東鄆縣黑石山

崩 元帝太興元年春二月廬陵豫章武昌西陽山崩

二年夏五月祁山山崩殺人 三年南平郡山崩出

雄黃數千斤 四年秋八月恒山崩水出潯沱河溢

成帝咸和四年冬十月柴桑廬山西北崖崩 穆帝永

和七年秋九月峻平崇陽二陵崩 十二月遣使修峻

平陵開埏道崩壓殺數十人 孝武帝寧康二年秋七

月涼州山崩 哀帝隆和元年夏四月丁丑浩疊山崩

安帝義熙十一年夏五月霍山崩出銅鐘六枚
三年秋七月漢中城固縣岸崩出銅鐘十有二枚
文帝仁壽三年梁州就谷山崩煬帝大業山移晉惠
七年冬十月乙卯底柱崩壅河逆流數十里
康四年夏五月山鳴後漢獻帝建安十八年長沙醴陵縣
月蜀郡山移有大山常大鳴如牛响聲積數年

水

大水

春秋桓公元年秋大水十三年夏大水莊公
七年秋大水無麥苗十一年秋宋大水二十

四年

魯大水明年仍大水宣公十年秋大水飢

成公

五年秋大水襄公二十四年秋大水漢高后

三年

夏漢中南郡大水江漢溢流四千餘家四年秋

河南

大水伊洛溢流千六百餘家汝水流八百餘家

八年

夏漢中南郡水復出流六千餘家南陽沔水流

萬餘家

孝文帝十二年冬十二月河決東郡後三年

藍田山水出流九百餘家壞民室八千餘所殺三百餘人孝武帝建元三年河水溢于平原元光三年春

河水徙從頓邱東南流入勃海夏五月河水決濮陽汎郡十六元鼎二年夏大水關東飢死者以千數元

封二年河決東郡瓠子孝元帝初元元年秋九月關東郡國十一大水初元二年北海水溢永光五年

夏及秋大水成帝建始三年秋大水山谷水出凡殺四千餘人流官寺民舍八萬三千餘所四年秋大水

河決東郡金隄陽朔二年秋關東大水鴻嘉四年秋勃海清河河溢綏和二年秋河南潁川郡水出流

殺人民壞敗廬舍後漢世祖建武八年大水孝明帝永年夏五月大水三十一一年夏五月大水

平三年郡國七大水孝和帝永元元年秋七月郡國九大水傷稼十年夏五月京師大水十二年夏六

月舞陽大水殤帝延平元年秋九月六州大水冬十月四州大水安帝永初元年冬十月辛酉新城山泉

水暴出突壞人田水深三丈二年夏六月京師及郡國四十九大 wat 四年秋七月三郡大水質帝太初元年夏五月海水溢樂安北海漂溺人物桓帝建和二年秋七月京師大水三年秋八月京師大水永興元年秋河水溢漂害人物二年夏六月彭城泗水增長逆流永壽元年夏六月洛水溢至津陽城門漂流人物永康五年秋八月六州大水勃海海溢殺人靈帝建寧四年春二月海水溢夏五月山水暴出漂壞廬舍五百餘家熹平二年夏六月東萊北海水溢漂殺人物三年秋洛水溢四年夏四月郡國七大水光和六年秋金城河水溢出二十餘里中平五年夏六月郡國七大水獻帝建安二年秋九月漢水溢流人民二十四年秋八月漢水溢漂流人民魏文帝黃初四年夏六月伊洛溢至津陽城門漂數千家殺人民明帝景初元年秋九月冀兗徐青四州水出漂溺人物吳大帝赤烏八年夏茶陵縣鴻水溢出漂二

百餘家

十三年秋

八月

丹陽句容及故鄣寧國鴻水

溢

出

太元元年大風江海涌溢平地深八尺

會稽

王五鳳元年夏大水

晉武帝泰始四年秋九月青徐

兗豫四州大水伊洛溢

七年夏

六月

河洛伊沁皆溢

流居人四千餘家殺二百餘人

咸寧元年秋九月徐

州大水

二年秋七月癸亥河南魏郡暴水殺百餘人

閏九月荆州郡國五大水流四千餘家

三年夏六月

益梁二州郡國八暴水殺三百餘人秋七月荆州大水

九月始平郡大水冬十月青徐兗豫荆益梁七州又大

水

四年秋七月司冀兗豫荆揚郡國二十大水傷秋

稼壞屋室有死者

太康二年夏六月泰山江夏大水

泰山流三百家殺六十餘人江夏亦殺人

四年秋七

月丙寅兗州大水

是歲河南郡及荆州揚州俱各大

水

五年秋九月郡國五大水是月南安等五郡大水

六年夏四月郡國十大水壞廬舍

七年秋九月郡

國八大水

八年夏六月郡國八大水

惠帝元康二

年

通志

三十九

三十九

三十九

三十九

年水災	五年夏五月	穎川淮南大水	六月城陽東莞
大水殺人	荆揚徐兗豫	五州又水	六年夏五月荆揚
二州大水	八年秋九月	荆揚徐冀豫	五州大水雍州
有半	永寧元年秋七月	南陽東海大水	太安元年
秋七月兗豫	徐冀四州大水	懷帝永嘉四年夏四月	
江東大水	元帝太興三年夏六月	大水	四年秋七
月大水	明帝太寧元年夏五月	丹陽宣城吳興壽春	
大水	成帝咸和元年夏五月	大水	二年夏五月戊
子京都大水	四年秋七月	丹陽宣城吳興會稽大水	
七年夏五月	大水	咸康元年秋八月	長沙武陵大
水	穆帝永和四年夏五月	大水	五年夏五月大水
六年夏五月	大水	七年秋七月甲辰夜	濤水入石
頭死者數百人	升平二年夏五月	大水	五年夏四
月大水	哀帝興寧元年夏四月	湖漬溢	廢帝太和
六年夏六月	京師大水	平地數丈浸及太廟朱雀大航	
纜斷三艘	流入大江	丹陽晉陵吳郡吳興臨海五郡並	

大水禾稼蕩沒黎庶饑饉 簡文帝咸安元年冬十二月壬午濤水入石頭 孝武帝太元三年夏六月大水

五年夏五月大水

六年夏六月揚荊江三州大水

八年春三月始興南康廬陵大水平地五丈

十年

夏五月大水

十三年冬十二月濤水入石頭毀大航

殺人

十五年秋七月沔中諸郡及兗州大水

十七

年夏六月甲寅濤水入石頭毀大航漂船舫有死者京

口西浦亦濤入殺人永嘉郡潮水湧起近海四縣人多

溺死

十八年夏六月己亥始興南康廬陵大水深五

丈

十九年秋七月荆徐大水傷秋稼

二十年夏六

月荆徐又大水 二十一年夏五月癸卯大水

安帝

隆安三年夏五月荊州大水平地三丈

五年夏五月

大水 元興三年春二月己丑朔夜濤水入石頭漂沒

殺人大航流敗庚寅夜濤水入石頭商旅方舟萬計漂

敗流斷骸齒相望江左雖頻有濤水之患未有若斯之

甚 義熙元年冬十二月己未濤水入石頭 二年冬

十二月巳未夜濤水入石頭
三年夏五月丙午大水

四年冬十二月戊寅濤水入石頭 六年夏五月丁

巳大水 八年夏六月大水 九年夏五月辛巳大水

十年夏五月丁丑大水秋七月乙丑淮北風災大水

殺
人
十
一
年
秋
七
月
丙
戌
京
師
大
水
淹
漬
太
廟
百
官

赴救
宋文帝元嘉五年夏六月都下大水
七年吳

興晉陵義興大水 十二年夏六月丹陽淮南吳郡吳

興義興大水都下乘船
十七年秋八月徐寬青冀四

州大水
十八年夏五月甲申河水汎溢殺居人十

九年夏閏五月都下大水 二十年諸郡水 二十四

年徐兗青冀四州大水
孝武帝大明元年夏五月吳

興義興大水 二年秋八月壬戌襄陽大水 四年秋

八月 雍州大水 後廢帝元徽元年夏六月乙卯壽陽

齊高帝建元元年

吳興三郎大永明九年秋八月吳

具義興大之
與三君力元
元年大七用節下太永元

興義興大永元五利一

者甚衆 梁武帝天監二年夏六月太末信安安豐三縣大水 六年秋八月戊戌都下大水濤上御道七尺

七年夏五月都下大水 十二年夏四月都下大水

十五年淮堰破緣淮城戌林落十餘萬口皆漂入海

普通元年秋七月己卯江淮海並溢 中大通五年

夏五月戊子都下大水御道通船 陳後主禎明二年

夏六月大風自西北激濤水入石頭城淮渚暴溢漂舟

乘 後魏明元帝泰恒二年勃海范陽郡水 獻文

帝皇興二年州鎮二十七水 孝文帝延興二年夏六

月安州水是歲州鎮十一大水 三年州鎮十一大水

太和元年州郡八大水 二年州鎮二十餘大水

四年州鎮十八水 八年州鎮十五大水 九年京師

及州鎮十三大水 二十三年州鎮十八水 宣武帝

正始四年夏四月戊戌鍾離大水 延昌元年春三月

甲午州郡十一大水 二年夏五月壽春大水是夏州

郡十三大水 東魏孝靜帝元象元年夏山東大水蝦

慕鳴于樹上

北齊武成帝河清二年冬十二月兗趙

魏三州大水

三年西兗梁滄趙州司州之東郡陽平

清河武郡冀州之長樂勃海水

後主天統三年并州

汾水溢

武平六年秋八月冀定趙幽滄瀛六州大水

隋文帝開皇六年春二月

乙酉山南荆浙七州水秋

七月辛亥河南諸州大水

十八年杞宋陳亳曹戴潁

等州水

仁壽二年秋九月河南北諸州大水三年

冬十二月河南諸州大水

煬帝大業三年河南諸州

大水漂沒大雨

春秋魯隱公九年春三月癸酉大雨

三十餘郡

震電秦二世三年秋七月大雨霖

至于八月

漢孝文帝後三年秋大雨晝夜不絕凡三

十五日

孝景帝六年冬十二月霖雨孝武帝元狩

六年冬十月雨水無冰

孝昭帝始元元年秋七月大

雨渭橋絕

孝元帝永光三年冬雨水大霧五年夏

及秋潁川汝南淮陽廬江雨壞聚民屋舍及水流殺人

孝成帝建始三年秋三輔大雨三十餘日四年秋

九月大雨十餘日 後漢世祖建武六年秋九月大雨
連月苗稼更生鼠巢樹上 七年夏連雨水 十七年
雒陽暴雨壞民廬舍壓殺人傷禾稼 孝明帝永平八
年秋郡國十四雨水 和帝永元十年冬十月五州大
雨水 十三年荊州雨水 十四十五年皆淫雨傷禾
稼 殤帝延平元年夏六月郡國三十七雨水 安帝
永初元年郡國四十一雨水或山水暴至 三年郡國
四十一雨水 五年郡國八雨水 元初四年秋七月
京師及郡國十雨水 永寧元年自三月至冬十月京
師及郡國凡三十三雨水 建光元年京師及郡國二
十九雨水 二年秋九月郡國五雨水 三年京師及
郡國三十六雨水 順帝永建四年夏五月司隸荆豫
兗冀部雨水 六年冀州雨水傷稼 桓帝延熹二年
夏大霖雨五十餘日 靈帝建寧元年夏六月京師雨
水 熹平元年夏六月京師霖雨七十餘日 中平六
年夏霖雨八十餘日 孝獻帝建安十八年夏五月大

雨水

魏文帝黃初四年夏六月大雨水

明帝太和

元年秋

數大雨多暴雷電非常至殺鳥雀

四年秋八

月大雨霖凡三十餘日

景初元年秋九月淫雨

四

年秋八月大雨霖三十餘日

吳會稽王太平二年春

二月甲寅大雨震電

景帝永安四年夏五月大雨水

水泉涌出

五年秋八月壬午大雨震電水泉涌溢

晉武帝泰始七年夏六月大雨霖沒秋稼千三百六十

餘頃

太康五年秋七月任城梁國暴雨害豆麥九月

南安郡大霖雨暴雪樹木摧折害秋稼是秋魏郡西平

郡九縣淮南平原霖雨暴雨霜傷秋稼惠帝永寧元

年冬十月義陽南陽東海霖雨淹害秋麥

元帝太興

三年春雨至于夏

永昌元年春雨四十餘日晝夜雷

電震五十餘日

成帝咸和四年春二月大雨四十餘

日恒雷電

咸康元年秋八月荊州之長沙攸醴陵武

陵之龍陽三縣雨水浮漂屋室殺人損秋稼宋孝武

帝大明元年春都下雨水梁武帝天監七年七月雨

至十月乃霽 陳宣帝大建十二年秋八月大雨霽

後魏明元帝泰恒三年秋八月鴈門河內大雨水 東

魏孝靜帝武定五年秋大雨七十餘日 北齊武成帝

河清三年夏六月庚子大雨晝夜不息至甲辰山東大

水人多飢死 後主天統三年冬十月積陰大雨 武

平七年秋七月大霖雨水漂人戶流亡 後周武帝建

德三年七月 水赤 秦武王三年渭水赤三日 昭王三

霖雨三旬 十四年渭水又赤二日 後漢安帝

永初六年河東池水變色皆赤如血 晉武帝太康五

年夏四月任城魯國池水赤如血 劉聰僞建元元年

春正月平陽地震其崇明觀陷為池水赤如血赤氣至

天有龍奮迅而去 齊東昏侯永元元年秋七月辛未

淮水變赤如血 陳孝宣帝大建十四年秋七月自建

鄴至荊州江州色赤如血 後周宣帝大象元年夏六

月咸陽有池 水黑 陳後主禎明二年夏四 水中火 晉

水變為血 月郢州南浦水黑如墨 穆

帝升平三年春二月涼州城東池中有火

火四年夏四月姑臧澤水中又有火

年穀洛

水關河清後漢孝桓帝延熹八年夏四月濟陰東郡

北平原河水清孝靈帝建寧元年春二月河水清

宋文帝元嘉四年夏四月河濟俱清北齊武成帝河

清元年夏四月河濟清隋煬帝大業三年井溢前漢

武陽郡河水清數里鑑澈二年龍門河清井溢成帝

建始二年春三月北宮井水溢出後漢孝桓帝建和

元年夏六月井溢晉孝惠帝元康八年夏五月金墉

城井溢九年夏四水影宋文帝元嘉二十五年冬青

月宮中井水沸溢州城南遠望見城中如水有

影謂之地鏡

旱

旱

春秋魯莊公三十一年冬不雨 僖公二年冬十月不雨 三年正月不雨 四月不雨 六月不雨 二十

一年夏大旱

文公二年自十二月不雨至秋七月

十年自正月不雨至秋七月 十三年自正月不雨至

秋七月

宣公七年大旱

襄公五年秋旱

八年

秋九月旱

宣公七年大旱 襄公五年秋旱

昭公三年秋

八月旱

六年秋九月旱

十六年秋九月旱

二十四年秋八月旱

二十五年秋七月旱再旱

宣公十年秋九月旱

漢惠帝五年夏五月大旱

江河水少谿谷絕

孝文帝三年秋天下旱

九年春

大旱

後六年夏四月大旱

孝景帝中三年夏旱

後二年秋大旱

孝武帝建元四年夏六月旱

元光

六年夏大旱

元朔五年春大旱

元狩三年夏大旱

元封四年夏大旱

元封四年夏大旱

天漢

元年夏大旱

二年夏大旱

大始二年秋旱

孝昭

帝始元六年夏旱

元鳳五年夏大旱

孝宣帝本始

初元	夏旱	五年	夏旱	六年	夏旱	五月旱	七年	夏旱	元
初元	夏旱	京師及郡國	五旱	二年	夏旱	五月	京師旱		
夏旱	五年	夏旱	六年	夏旱	五月	旱	七年	夏旱	元
孝安帝	永初二年	夏旱	五月	旱	三年	郡國八旱	四年		
七月	京師旱	九年	夏旱	六月	旱	十六年	秋七月	旱	
四年	郡國十旱	五年	丹陽郡國	二十二旱	六年	秋			
早	章和二年	夏旱	孝和帝	永元二年	郡國十旱				
年大旱	二年	夏旱	雄陽旱	四年	夏旱	元和元年	春		
十五年	秋八月	旱	十八年	春三月	旱	章帝建初元			
平元	年夏五月	旱	八年	冬旱	十一年	夏六月	旱	孝明帝永	
建武五年	夏四月	旱	六年	夏六月	旱	九年	春旱		
春大旱	孝平帝元始二年	夏旱	郡國大旱			後漢光武			
十二年	夏五月	旱	二十一年	夏六月	旱	孝明帝永			
十五年	秋八月	旱	十八年	春三月	旱	章帝建初元			
早	章和二年	夏旱	孝和帝	永元二年	郡國十旱				
四年	郡國十旱	五年	丹陽郡國	二十二旱	六年	秋			
七月	京師旱	九年	夏旱	六月	旱	十六年	秋七月	旱	
孝安帝	永初二年	夏旱	五月	旱	三年	郡國八旱	四年		
夏旱	五年	夏旱	六年	夏旱	五月	旱	七年	夏旱	元
初元	夏旱	京師及郡國	五旱	二年	夏旱	五月	京師旱		

三年夏四月京師旱 五年春三月京師及郡國五旱

六年夏五月京師旱 建光元年郡國四旱 延光

元年郡國五旱 孝順帝永建二年春三月旱 三年

夏六月旱 五年夏四月京師旱 陽嘉元年春旱

二年夏旱 三年河南三輔大旱 四年春二月自去

冬旱至于是月 永和四年秋八月太原郡旱 冲帝

永嘉元年夏旱 孝質帝太初元年春二月京師旱

孝桓帝元嘉元年夏京師旱 延熹元年夏六月旱

孝靈帝熹平五年夏旱 六年夏四月大旱 光和五

年夏四月旱 六年夏大旱 孝獻帝興平元年秋七

月三輔大旱 魏明帝太和二年夏五月大旱 五年

春三月自去冬十月至此月不雨大雩 齊王正始元

年春二月自去冬十二月至此月不雨 高貴鄉公甘

露三年春正月自去秋至此月旱 吳大帝嘉禾四年

自去冬十月不雨至于夏 會稽王五鳳二年大旱

歸命侯寶鼎元年春夏旱 晉武帝泰始七年夏五月

閏月旱大雩

八年夏五月旱

九年自正月不雨至

于六月

十年夏四月旱

咸寧二年夏六月自春旱

至于五月

太康二年自去冬旱至春

三年夏四月

旱

五年夏六月旱

六年春三月青梁幽冀郡國旱

夏

六月濟陰武陵旱傷麥

七年夏五月郡國十三

旱

八年夏四月冀州旱

九年夏郡國三十三旱扶

風始平京兆安定旱傷麥

十年春二月旱

太熙元

年春三月旱

孝惠帝元康七年秋七月秦雍二州大

旱九月郡國五旱

永寧元年自夏及秋青徐幽并四

州旱十二月郡國又十三旱

孝懷帝永嘉三年夏五

月大旱襄平縣梁水淡池竭河洛江漢皆可涉

孝愍

帝建興元年夏六月揚州旱

元帝太興元年夏六月

旱四年夏五月旱

永昌元年夏六月旱冬閏十一

月京都大旱川谷並竭

明帝太寧三年自春不雨至

于六月

成帝咸和元年冬十一月自六月不雨至于

是月

二年夏旱

五年夏五月大旱

六年夏四月

大旱 八年秋七月旱 九年自四月不雨至于八月

咸康元年大旱米斗直五百人有相鬻者 二年春

三月旱夏六月旱 康帝建元元年夏五月旱 穆帝

永和元年夏五月旱 五年自秋七月不雨至于十月

六年夏旱 八年秋七月旱 九年春三月旱 升

平三年冬大旱 四年冬大旱 哀帝隆和元年夏旱

海西公太和元年夏四月旱 四年冬旱涼州春旱

至夏 簡文帝咸安二年冬十月三吳大旱人多餓死

孝武帝寧康元年夏五月旱 三年冬旱 太元四

年夏大旱 八年夏六月旱 十年秋七月旱 十三

年六月旱 十五年秋七月旱 十七年秋旱至冬

安帝隆安二年冬旱 四年夏五月旱 五年夏秋大

旱 元興元年九月十月不雨泉水涸 二年六月不

雨冬又旱 三年八月不雨 義熙四年冬不雨 六

年九月不雨 八年冬十月不雨 九年秋冬不雨

十年九月旱冬十二月旱井瀆多竭 宋文帝元嘉八

年夏六月旱大雩 二十年諸州旱 二十八年春大旱 孝武帝大明七年浙江東諸郡大旱 後廢帝元徽元年秋八月都下大旱 梁武帝天監元年大旱 朱斗五千人多餓死 簡文帝大寶元年自春迄夏大旱 人相食都下尤甚 陳宣帝大建十二年春不雨至于四月 後魏文成帝太安五年六鎮雲中高平二雍秦州旱 和平五年夏閏四月旱 獻文帝天安元年年州鎮十一旱 皇興二年州鎮二十七旱 孝文帝延興二年州鎮十二旱 三年州鎮十一旱 太和元年年州郡八旱 二年州鎮二十餘旱 四年郡鎮十八旱 八年州鎮十五旱 九年京師及州鎮十一旱 宣武帝正始元年夏六月旱 永平三年夏五月冀定二州旱 延昌元年夏四月旱 正光元年秋七月旱 東魏孝靜帝天平二年春夏旱 四年并肆汾建晉絳秦陝等諸州大旱 武定二年春旱 六年自去冬至春亢旱 北齊文宣帝天保九年夏大旱 乾明元年春

旱 武成帝河清二年夏四月并汾晉東雍南汾五州
旱 後主天統二年春旱 四年夏五月自正月不雨

至于 是月 武平五年夏五月大旱晉陽得死魃長二
尺面項各二目 後周武帝保定二年夏旱 建德元

年夏大旱 二年秋七月自春末不雨至于 是月 五

年秋七月京師旱 隋文帝開皇四年雍同華岐宜五

州旱 十四年關內諸州旱 秋八月關中大旱 煬帝

大業四年燕代緣邊諸郡旱 八年天下旱百姓流亡

十三年

天下大旱

火

災火

春秋魯桓公十四年秋八月壬申御廩災 莊公
二十年夏齊大災 僖公二十年夏五月乙巳酉

宮災 宣公十六年夏成周宣榭火 成公三年春二

月甲子新宮災 襄公九年春宋災 三十年夏五月

甲午宋又災 昭公六年夏六月丙戌鄭災 九年夏四月陳火 十八年夏五月壬午宋衛陳鄭災 宣公

二年夏五月雉門及兩觀災 哀公三年夏五月桓僖

宮災 四年夏六月辛丑亳社災 漢惠帝三年秋七

月都廡災 四年春三月長樂宮鴻臺災 秋七月乙

亥未央宮凌室災 丙子織室災 呂后元年夏五月丙

辰趙王宮叢臺災 孝文帝七年夏六月癸酉未央宮

東闕栗憲災 孝景帝三年春正月淮陽王宮正殿災

中五年秋八月己酉未央宮東闕災 孝武帝建元

六年春二月乙未遼東高廟災 夏四月壬子高國便殿

火 元鼎三年春正月戊子陽陵園火 太初元年冬

十一月乙酉未央宮柏梁臺災 孝昭帝元鳳元年燕

城南門災 四年夏五月丁丑孝文廟正殿火 孝宣

帝甘露元年夏四月丙申太上皇廟火 甲辰孝文廟火

三年冬十月丁卯未央宮宣室閣火 孝元帝初元

三年夏四月乙未晦茂陵白鴈館災 永光四年夏六

月甲戌孝宣杜陵園東闕災 孝成帝建始元年春正月乙丑皇曾祖悼考廟災 河平四年夏六月山陽火生石中 鴻嘉三年秋八月乙卯孝景廟北闕災 永始元年春正月癸丑太宮凌室火戊午戾后園南闕災 四年夏四月癸未長樂臨華殿及未央宮東司馬門皆災六月甲午霸陵園門闕災 孝哀帝建平三年春正月癸卯帝太太后所居桂宮正殿火 四年秋八月恭皇園北門災 孝平帝元始五年秋七月己亥高皇帝原廟殿門災 後漢光武建武三年潞縣火災起城中飛出城外燒千餘家殺人 六年冬十二月洛陽市火 二十四年春正月戊子雷雨霹靂火災高廟北門孝明帝永平元年夏六月己亥桂陽見火飛來燒城寺 孝章帝建初元年冬十二月北宮火燒壽安殿延及右掖門 元和三年夏六月丙午雷雨火燒北宮朱雀西闕 孝和帝永元八年冬十二月丁巳南宮宣室殿火 十三年秋八月己亥北宮威饌門閣火 十五

年夏六月辛酉漢中城固南城門災

孝安帝永初元

年冬十二月河南郡縣火燒殺百五人

二年夏四月

甲寅漢陽河陽城中火燒殺三千五百七十人

四年

春三月戊子杜陵園火

六年河南郡縣大火燒殺五

百八十四人

元初四年春二月壬戌武庫火燒兵物

百二十五種直十萬以上

延光元年秋八月戊子陽

陵園寢殿火

四年秋七月乙丑漁陽城樓災

孝順

帝永建三年夏五月戊申守宮失火燒宮藏所物盡秋

七月丁酉茂陵園寢災

四年河南郡縣失火燒殺人

畜陽嘉元年冬十二月庚子恭陵百大廡災及東西

莫府火是歲河南郡國火燒廬舍殺人

永和元年冬

十月丁未承福殿火

漢安元年春三月甲午洛陽劉

漢等百九十七家被火所燒是歲冬十二月洛陽失火

孝桓帝建和二年夏五月癸丑北宮掖庭中德陽殿

火及左掖門

延熹四年春正月辛酉南宮嘉德殿火

戊子丙署火二月壬辰武庫火夏五月丁卯原陵長壽

門火 五年春正月壬午南宮丙署火夏四月乙丑恭

陵東闕火戊辰虎賁掖門火五月康陵園寢火甲申中

藏府承祿署火秋七月己未南宮承善閤內火 六年

夏四月辛亥康陵東署火秋七月甲申平陵園寢火

八年春二月己酉南宮嘉德署黃龍千秋萬歲殿皆火

夏四月甲寅安陵園寢火閏月甲午南宮長秋和歡殿

後鈞楯掖庭朔平署各火冬十月壬子德陽前殿西閣

及黃門北寺火殺人時連月有火災諸宮寺或一日

再三發 九年春三月癸巳京都夜有火光轉行人相

驚譟 孝靈帝熹平四年夏五月延陵園災 光和四

年秋閏九月辛酉北宮東掖庭永巷署災 五年夏五

月庚申德陽前殿西北入門內永樂太后宮署火 中

平二年春二月己酉南宮雲臺災庚戌樂城門災延及

北闕度道西燒嘉德和歡殿火半月乃滅 孝獻帝初

平元年秋八月霸橋災 興平元年益州天火燒城府

輜重延及民家館邑無餘 魏明帝太和五年夏五月

清商殿災

青龍元年夏六月洛陽宮鞠室災

二年

夏四月崇華殿災延于南閣繕復之三年七月此殿又

災吳會稽王建興元年冬十二月武昌端門災改作

端門又災

太平元年春二月朔建業火

景帝永安

五年春二月城西門北樓災

六年冬十月石頭小城

火燒西南百八十丈

歸命侯建衡二年春三月大火

燒萬餘家死者七百人

晉武帝太康八年春三月乙

丑震災西閣楚王所止坊及臨商觀牕

十年夏四月

癸丑崇賢殿災冬十月庚辰含章鞠室脩成堂前廡景

坊東屋暉章殿南閣火

孝惠帝元康五年閏月庚寅

武庫火焚累代之寶

八年冬十二月高原陵火永

康元年帝納皇后羊氏后將入宮衣中忽有火衆咸怪

之永興二年秋七月甲午尚書諸曹火起延崇禮閣

及閣道

孝懷帝永嘉四年冬十一月襄陽火燒死者

三千餘人

元帝太興中武昌災火起衆救之救於此

而發於彼東西南北數十處俱應數日不絕

永昌二

年春正月癸巳京都大火三月饒安東光安陵三縣火
燒七千餘家死者萬五千人明帝太寧元年春正月
京都火成帝咸和二年夏五月京都火康帝建元
元年秋七月庚辰吳郡災穆帝永和五年夏六月震
災石虎太武殿及兩廂端門震災月餘乃滅金石皆盡
海西公太和中郗愔為會稽太守夏六月大旱災火
燒數千家延及山陰倉米數百萬斛炎煙蔽天不可撲
滅孝武帝寧康元年春三月京師風火太起太元
十年春正月國子學生因風放火焚房百餘間十三
年冬十二月乙未延賢堂災丙辰螽斯則百堂及客館
驃騎府庫皆災安帝隆安八年春三月龍舟二乘災
元興元年秋八月庚子尚書下舍曹火三年廬循
攻略廣州刺史吳隱之閉城固守其十月壬戌夜火起
焚蕩府舍燒死者萬餘人義熙四年秋七月丁酉尚
書殿中吏部曹火九年京都大火燒數千家十一
年京都所在大行火災吳界尤甚王弘時為吳郡書在

聽事見天上有一赤物下狀如信幡遙集路南人家屋
上火即大發 宋文帝元嘉五年春正月戊子都下大

火 七年冬十二月都下大火延燒太社北牆 二十

九年春都下火 齊武帝永明九年春二月癸巳明堂

災 東昏侯永元三年春二月丙寅乾和殿西廂火

梁武帝天監元年夏五月有盜入南北掖燒神武門總

章觀 普通二年夏五月癸卯琬琰殿火延燒後宮屋

三千間 中大通元年秋九月辛巳朱雀航華表災

大同三年春正月辛丑夜朱雀門災 十一年夏四月

同泰寺災 元帝承聖三年冬十一月江陵城內火燒

居人數千家 陳武帝永定三年秋七月乙丑重雲殿

災 後主禎明二年夏五月甲午東冶鑄鐵有物赤色

大如數升自天墜鎔所有聲隆隆如雷鐵飛出牆外燒

人家是歲大皇佛寺塔火從中起飛至石頭燒死者甚

衆 東魏孝靜帝天平二年冬十月甲寅閭闔門災

四年夏六月壬午閭闔門災 武定五年秋八月廣

宗都火燒數千家 北齊後主天統五年鄴宮九龍殿災延燒西廊 四年夏四月辛未鄴宮昭陽殿災延燒宣光瑤華等殿 隋文帝開皇十四年將祠泰山令使者致石像神祠之所未至數里野火歟起燒像碎如小塊 煬帝大業十二年顯陽門災

風

大風

春秋僖公十六年春正月六鷁退飛過宋都大風也 漢高帝二年夏四月大風從西北起折木發

屋揚砂晝晦 孝文帝二年夏六月淮南王都壽春大風毀民室殺人十月楚王都彭城大風從東南來毀市門殺人 孝武帝建元四年夏有風赤如血 元光五年秋七月大風拔木 征和二年夏四月大風發屋折木 孝昭帝元鳳元年燕王都薊大風雨拔宮中木七圍以上十六枚壞城樓 建始元年夏四月壬寅晨大

風從西北起雲氣赤黃四塞天下終日夜下著地者黃土塵也冬十二月大風拔甘泉時中大木十圍以上孝平帝元始四年冬大風吹長安東門屋瓦且盡王莽地皇四年漢兵起圍莽大風屋瓦皆飛雨下如注後漢安帝永初元年二十八大大風二年夏京師及郡國四十八大大風拔樹三年夏五月京都大風拔南郊道梓樹九十六枚七年秋八月京都大風拔樹元初二年春二月京都大風拔樹六年夏四月沛國勃海大風拔樹二萬餘枚永寧元年冬十月自三月至是月京師及郡國三十三太風延光元年冬十二月京師及郡國二十七大大風二年春正月河東潁川大風夏六月郡國十一大大風三年京師及郡國三十六大風拔樹孝靈帝建寧二年夏四月癸巳京都大風拔郊道樹十圍以上百餘枚其後晨迎氣黃郊道於雒水西橋逢暴風雨逆鹵簿車或發蓋還不至郊使有司行禮迎氣西郊亦壹如此中平二年夏四月庚戌大

風 五年夏六月丙寅大風拔樹 孝獻帝初平四年
夏六月右扶風大風發屋拔木 魏齊王正始九年冬

十一月大風數十日發屋折木十二月戊午晦尤甚動
太極東閣 嘉平元年春正月壬辰朔西北大風發屋

折木昏塵蔽天 吳大帝太元元年秋八月朔大風江
海涌溢平地水深八尺拔高陵樹二株石碑蹉動吳

城兩門飛落 會稽王建興元年冬十二月丙辰大風

震電 景帝永安元年冬十一月甲午風四轉五復蒙

霧連日十二月丁卯夜有大風拔木揚砂 晉武帝泰

始五年夏五月辛卯朔廣平大風折木 咸寧元年夏

五月下邳廣陵大風壞千餘家折樹木其月甲申廣陵

下邳大風折木 三年八月河間大風折木 太康二

年夏五月濟南暴風折木傷麥六月高平大風折木發

壞邸閣四十餘區七月上黨又大風傷秋稼 八年夏

六月郡國八大風 九年春正月京都風發屋拔樹

孝惠帝元康四年夏六月大風拔樹 五年夏四月庚

寅夜暴風城東渠波浪殺人秋七月下邳大風壞廬舍
九月鴈門新興太原上黨災風傷稼六年夏四月大
風九年夏六月颶風吹賈謐朝服飛數百丈十一月
甲子朔京都連大風發屋折木永康元年春二月丁
酉大風飛砂拔木三月又大風雷電夏四月張華第舍
颶風起折木飛繒折軸六七冬十一月戊午朔大風從
西北來折木飛砂石六日止永寧元年秋八月郡國
三大風永興元年春正月乙丑西北大風趙王倫
建始元年春正月癸酉倫祠太廟災風暴起塵四合
孝懷帝永嘉四年夏五月大風折木元帝永昌元年
秋七月丙寅大風屋瓦皆飛八月暴風壞屋拔御道柳
樹百餘株其風縱橫無常若風自八方來者成帝咸
康四年春三月壬辰成都大風發屋折木康帝建元
元年秋七月庚寅晉陵吳郡災風穆帝升平元年秋
八月丁未疾風五年春正月戊午朔疾風哀帝太
和六年春二月大風迅急孝武帝寧康元年春三月

京都大風火大起

三年春三月戊申朔暴風迅起從

丑上來須臾逆轉從子上來飛砂揚礫

太元二年春

二月乙丑朔暴風折木閏三月甲子朔暴風疾雨俱至

發屋折木夏六月己巳暴風揚砂石三年春三月乙

丑雷雨暴風發屋折木夏六月長安風拔苻堅宮中樹

四年秋八月乙未暴風揚砂石十二年春正月壬

子夜暴風發屋折木秋七月甲辰大風折木十三年

冬十二月己未大風晝晦十七年夏六月乙未大風

折木安帝元興二年春二月夜大風雨大航門屋瓦

飛落三年春正月桓玄出遊大航南飄風飛其輶輓

蓋夏五月江陵又大風折木冬十一月辛卯朔西北疾

風起拔樹五年閏十一月丁亥大風發屋六年夏

五月壬辰大風拔北郊樹樹幾百年也并吹琅邪揚州

二射堂倒壞是日盧循大艦飄沒甲戌又風發屋折木

九年春正月大風白馬寺浮圖剝柱折壞十年夏


四月己丑朔大風拔木六月辛亥大風拔木七月淮北

大風壞廬舍 宋少帝景平二年春二月乙巳大風
文帝元嘉二十九年春三月壬午大風折木 齊武帝
永明四年春二月丙寅大風吳郡偏甚樹葉皆赤 八
年夏六月都下大風發屋 梁武帝天監六年秋八月
戊戌大風拔木 元帝承聖三年冬十月丁卯帝出行
江陵城柵大風拔木十一月甲申帝閱武於南城北風
雨總集旗幟亂丁酉又大風城內火起 陳文帝天
嘉六年秋七月癸未有大風自西南至廣百餘步擊壞
靈臺候樓 宣帝大建十二年夏六月壬戌大風吹壞
皋門中閫 十三年秋九月癸未夜大風從北地來發
屋拔樹 後主禎明二年夏六月丁巳大風自西北激
濤水入石頭是歲大風拔朱雀門 北齊武成帝河清
二年大風三旬乃止 後主天統三年夏五月大風晝
晦發屋拔樹 四年夏六月甲辰大風拔樹 武平七
年春二月丙寅大風從西北起發屋拔樹五日乃止
隋文帝開皇二年冬十二月京都大風發屋拔木 仁

壽元年夏五月
壬辰大風拔木



通志卷七十四



總校官庶吉士臣侍朝

校對官編修臣朱攸

謄錄監生臣趙興吾

欽定四庫全書薈要

史部
通志卷七十五
六

詳校官員外郎臣楊世綸



欽定四庫全書薈要卷八千九百七十四

史部

通志卷七十五

宋右廸功郎鄭樵漁仲撰

見蟲草木略第一

序 草類 蔬類 稻粱類

序

學者操窮理盡性之說以虛無為宗實學置而不問仲尼時已有此患曰小子何莫學夫詩興觀羣怨事父事

君多識於鳥獸草木之名其曰小子者無所識之辭也其曰何莫者苦口之辭也故又曰人而不為周南召南其猶正牆面而立此苦口之甚也一部論語言他書不過一再惟詩則言之又言凡十二度言焉門弟子有能學詩者則深喜之子貢子夏在孔門未為高弟至於論詩則與之至子夏又發起予之歎者深嘉之也夫樂之本在詩詩之本在聲竊觀仲尼初亦不達聲至哀公十一年自衛反魯質正於太師氏而後知之故曰吾自衛

反魯然後樂正雅頌各得其所此言詩為樂之本而雅
頌為聲之宗也其曰師摯之始關雎之亂洋洋乎盈耳
哉此言其聲之盛也又曰關雎樂而不淫哀而不傷此
言其聲之和也人之情聞歌則感樂者聞歌則感而為
淫哀者聞歌則感而為傷惟關雎之聲和而平樂者聞
之而樂其樂不至於淫哀者聞之而哀其哀不至於傷
此關雎所以為美也緣漢人立學官講詩專以義理相
傳是致衛宏序詩以樂為樂得淑女之樂淫為不淫其

色之淫哀為哀窈窕之哀傷為無傷善之傷如此說關
雎則洋洋盈耳之旨安在乎臣之序詩於風雅頌曰風
土之音曰風朝廷之音曰雅宗廟之音曰頌而不曰風
風者教也雅者正也言王政之所由廢興也頌者美盛
德之形容也於二南則曰周為河洛召為岐雍河洛之
南瀕江岐雍之南瀕漢江漢之間二南之地詩之所起
在於此屈宋以來騷人墨客多生江漢故仲尼以二南
之地為作詩之始而不曰南言化自北而南於王黍離

豳七月則曰王為王城東周之地豳為豳豐西周之地
七月者西周之風黍離者東周之風而不曰黍離降國
風臣之序詩專為聲歌欲以明仲尼之正樂臣之釋詩
深究鳥獸草木之名欲以明仲尼教小子之意然兩漢
之言詩者惟儒生論義不論聲而聲歌之妙猶傳於瞽
史經董卓赤眉之亂禮樂淪亡殆盡魏人得漢雅樂郎
僅能歌文王鹿鳴騶虞伐檀四篇而已太和之末又亡
其三惟有鹿鳴至晉又亡自鹿鳴亡後聲詩之道絕矣

夫詩之本在聲而聲之本在興鳥獸草木乃發興之本
漢儒之言詩者既不論聲又不知興故鳥獸草木之學
廢矣若曰關關雎鳩在河之洲不識雎鳩則安知河洲
之趣與關雎之聲乎凡鴈鶩之類其喙扁者則其聲關
關雉雉之類其喙銳者則其聲鶩鶩此天籟也雎鳩之
喙似鳬鴈故其聲如是又得水邊之趣也小雅曰呦呦
鹿鳴食野之苹不識鹿則安知食苹之趣與呦呦之聲
乎凡牛羊之屬有角無齒者則其聲呦呦駝馬之屬有

齒無角者則其聲蕭蕭此亦天籟也鹿之喙似牛羊故其聲如是又得萋萋之趣也使不識鳥獸之情狀則安知詩人關關呦呦之興乎若曰有敦瓜苦蒸在栗薪者謂瓜苦引蔓於籬落間而有敦然之繫焉若曰桑之未落其葉沃若者謂桑葉最茂雖未落之時而有沃若之澤使不識草木之精神則安知詩人敦然沃若之興乎陸璣者江左之騷人也深為此患為毛詩作鳥獸草木蟲魚疏然璣本無此學但加採訪其所傳者多是支離

自陸璣之後未有以此明詩者惟爾雅一種為名物之宗然孫炎郭璞所得既希張揖孫憲所記徒廣大抵儒生家多不識田野之物農圃人又不識詩書之旨二者無由參合遂使鳥獸草木之學不傳惟本草一家人命所係凡學之者務在識真不比他書只求說也神農本經有三百六十以應周天之數陶弘景隱者也得此一家之學故益以三百六十以應周天之數而兩之臣少好讀書無涉世意又好泉石有慕弘景心結茅夾漈山

中與田夫野老往來與夜鶴曉猿雜處不問飛潛動植
皆欲究其情性於是取陶隱居之書復益以三百六十
以應周天之數而三之已得鳥獸草木之真然後傳詩
已得詩人之興然後釋爾雅今作昆蟲草木略為之會
同庶幾衰晚少備遺忘豈敢論實學也夫物之難明者
為其名之難明也名之難明者謂五方之名既已不同
而古今之言亦自差別是以此書尤詳其名焉

草類

芝曰菌其類有五色加以紫是為六芝青曰龍芝赤曰丹芝黃曰金芝白曰玉芝黑曰元芝紫曰木芝瑞草也生則有雲氣及禽獸之異

著如蒿華如菊生上蔡白龜祠旁一叢之幹二三十或四五十高五六尺褚先生云蒼滿百莖者其下有神龜守之其上有青雲以覆之傳曰天下和平王道得蒼莖長丈叢滿百

蘭即蕙蕙即薰薰即零陵香楚辭云滋蘭九畹植蕙百

畝互言也古方謂之薰草故名醫別錄出薰草條近方
謂之零陵香故開寶本草出零陵香條神農本經謂之
蘭臣昔修本草以二條貫於蘭後明一物也臣謹案蘭
舊名煎澤草婦人和油澤頭故以名焉南越志云零陵
香一名燕草又名薰草即香草生零陵山谷今湖嶺諸
州皆有又別錄云薰草一名蕙草明薰蕙之為蘭也以
其質香故可以為膏澤可以塗宮室近世一種草如茅
葉而嫩其根謂之土續斷其花馥郁故得蘭名誤為人

所賦詠

芎藭曰胡芎曰香果關中者曰京芎蜀道者曰川芎其
葉曰靡蕪亦曰蘄薹故爾雅蘄薹靡蕪亦曰芷薹以其
芬香故多時於園庭苗似芹胡荽蛇牀輩故淮南子云
亂人者若芎藭之與藁本蛇牀之與靡蕪也

蛇牀曰蛇粟曰蛇米曰虺牀曰思益曰繩毒曰棗棘曰
牆薜曰盱曰馬牀爾雅所謂盱虺牀也花白子如黍粒
葉似芎藭而細亦香故有牆薜之名焉

茜亦作蒨可以染緋故曰地血亦曰茹蘆曰茅蒐齊人
謂之茜徐人謂之牛蔓詩所謂茹蘆在阪爾雅所謂茹
蘆茅蒐莖葉麓澁而根紅故許慎謂人血所生周禮庶
氏掌除蠱毒以嘉草攻之陳藏器以蘘荷與茜為嘉草
杜若曰杜蘅曰杜連曰白蓮曰白苓曰若芝曰楚衡根
葉似山薑花似荳蔻騷人多取喻焉故楚詞云山中人
兮芳杜若九歌云採芳洲兮杜若又離騷云雜杜蘅與
芳芷唐貞觀中勅下度支求杜若省郎以謝元暉詩云

芳洲採杜若乃賁坊州貢之當時以為嗤笑

決明曰芙蓉曰陵關西曰薜若故爾雅云薜若芙蓉共
有三種其一則山決明也相似而不可食其二曰馬蹄
決明實似馬蹄尤良

天名精曰麥句薑曰蝦蟇藍曰豕首曰天門精曰菡
曰蟾蜍蘭曰覲曰荊蓀曰豨首曰天蔓精曰鹿活草曰
劉薑草爾雅云荊蓀豕首俗曰豨蓀又云火欬又云地
菰異苑云宋元嘉中青州劉曄射中一麋旣剖五藏以

此草塞之蹶然而起去之則仆如此者三是以知其治折傷故其草得劉暭之名

菟絲曰菟蘆曰菟縷曰唐蒙曰玉女曰赤網曰菟纍曰女羅爾雅曰唐蒙女蘿女蘿菟絲又曰蒙玉女詩曰蔦與女蘿施于松上草經曰蔓延草木之上色黃而細曰赤網色淺而大曰菟纍淮南子注云菟絲生茯苓上故世言下有茯苓上有菟絲又言菟絲初生之根其形似兔掘取割其血和丹服之立變化今皆不然茯苓生山

谷菟絲生人間清濁異趣何由同居

薊曰虎薊曰刺薊曰山牛蒡爾雅繫狗毒繫即薊也又
有一種小薊曰猫薊曰青刺薊北方曰千針草以其莖
葉多刺故也華如紅藍華而青紫色多生於燕地故曰
薊門

垣衣曰昔邪曰烏韭曰垣羸曰天韭曰鼠韭有數種生
於屋上曰屋游生於屋陰曰垣衣在石上謂之烏韭在
地上謂之地衣在井中謂之井中苔在牆上抽起茸茸

然者謂之土馬駿生於水中謂之陟釐水中苔也生海中者可食又有生於石上連緣作暈者謂之石花石花生於海中石上謂之紫莢即紫菜也松上之衣曰艾納香以和香燒則烟氣直上

海藻類紫莢而麤惡曰落首曰薄曰石衣曰海蘿爾雅云薄石衣郭氏云石髮也又云薄海藻郭氏云如亂髮其說無別致誤後人引據且薄與蘘藻與藻皆無異義何得爲二物海藻形如弊衣石髮形如亂髮自是二物

凡此之類易得渾殼又有石帆之於水松亦能相亂故
陶弘景云石帆如栢療石淋水松如松療溪毒吳都賦
所謂石帆水松是也又有海帶似帶昆布似布爾雅云
綸似綸組似組東海有之綸即鹿角菜組即海中苔
藻生乎水中萍生乎水上萍之名類亦多易相紊也爾
雅云華萍其大者蘋又云華蘋蕭足以惑人萍者水中
浮萍也江東謂之藻是也蘋水菜也葉似車前詩所謂
于以采蘋是也華萋萋也即蘋蕭詩所謂呦呦鹿鳴食

野之華是也按萍亦曰水花亦曰水白

肉蓯蓉曰肉松容舊曰馬精化爲蓯蓉人血化爲茹蘆
故蓯蓉生於沙中在西方多馬處然亦有生於大木間
及土壟上者

地膚曰地葵曰地麥曰益明曰落帚子曰鴨舌即獨掃
也亦曰地掃爾雅云莽馬帚即此也今人亦用爲帚

蒺藜曰旁通曰屈人曰止行曰豺羽曰升推曰即藜曰
茨故爾雅謂茨蒺藜詩謂牆有茨也其實有芒刺行軍

之家以鐵象之而布地焉又有白蒺藜者同名而異實
防風曰銅芸曰苘草曰百枝曰屏風曰蔞根曰百蜚葉
如青蒿嫩苗可茹

石龍藹曰龍須曰草續斷曰龍朱曰龍華曰懸莞曰草
毒曰方賓爾雅所謂葦鼠莞也生被崖垂下故得龍須
之名可以為席

絡石曰石鯨曰石蹉曰畧石曰明石曰領石曰懸石如
薜荔而小絡石以生

千歲藟曰藟蕪陸璣云一名巨茨連蔓而生幽州人謂之推累此草藤生大者盤礴故有千歲藟之名唐姜撫言服常春藤使白髮還鬢明皇使取以賜中朝老臣又言終南山有旱藕食之延年狀類葛粉帝作湯餅以賜大臣右驍騎將軍甘守誠能名藥石曰常春藤者千歲藟也旱藕者牡蒙也

黃連曰王連曰支連

沙參葉如枸杞根如葵曰苦心曰志取曰虎須曰白參

曰識美曰文希亦曰知母而得五參之名

丹參葉如薄荷花如蘇曰郗蟬草曰赤參曰木羊乳曰

山苓

本草作參

曰奔馬俗謂之逐馬言驅風之駛也

赤箭曰離母曰鬼督郵曰合離曰獨搖曰定風有風不動無風自搖

牆藜曰滿冬曰地門冬曰筵門冬在東嶽名淫羊藿

抱朴

子作淫羊食

在中嶽名天門冬在西嶽名管松在北嶽名無

不愈在南嶽名百部在京陸山阜名顛棘今曰天門冬

爾雅牆藟冬葉如絲縷

禹葭曰禹餘糧曰烏韭曰爨火冬曰忍冬曰忍陵曰不死藥曰僕壘曰隨脂秦名羊韭齊名愛韭楚名馬韭越名羊著今曰麥門冬其葉如韭所以多得韭名

山薊曰朮爾雅朮山薊蒼朮也枹薊曰楊爾雅楊枹薊有兩種赤朮白朮也生平地曰薊生山中曰朮曰山連亦曰山精亦曰天蘇亦曰山芥亦曰乞力

曰華子作吃力伽

萎蕤曰熒曰地節曰玉竹曰馬薰曰黃芝曰玉女萎

黃精曰重樓曰兔竹曰雞格曰救窮曰鹿竹曰龍銜曰

萎蕤曰狗格

本草作苟格

曰垂珠曰馬箭曰白及陶弘景謂

似鈎吻非也似蕞荷

芊曰芑地黃也

藟曰屋茨曰起實交州曰斡珠薏苡也

芣苢曰當道曰蝦蟇衣曰牛遺曰勝鳥曰馬鳥車前也

昌陽曰堯韭菖蒲也

棘菟曰蔓繞曰細草葉曰小草遠志也

蒹曰蔦曰薺曰芒芋曰鵠瀉曰及瀉澤瀉也詩云采其薺爾雅云蒹蔦

薯蕷曰山藟曰修脆曰諸藟曰兒草秦楚名玉延鄭越名土諸齊名山芋

菊花曰日精曰節華曰女節曰女華曰女莖曰更生曰周盈曰傳延年曰陰成曰治牆其白花者潁川曰回峯汝南曰荼苦蒿河內曰地薇蒿上黨曰羊歡草

甘草曰落草曰蜜甘曰美草或曰大苦即此也凡草屬

惟甘草為國老大黃為將軍不言君臣佐使也

菟蔚曰益母曰益明曰大札曰貞蔚曰萑曰負檐曰夏
枯曰鬱臭草曰苦低草曰葎葉似葎方莖白華詩所謂
中谷有葎也

人參曰人衙曰鬼蓋曰神草曰人微曰土精曰血參如
人形者則神故多得人名朝鮮之人贊云三極五葉背
陽向陰欲來求我椒樹相尋

石斛曰林蘭曰禁生曰杜蘭曰石遂生於陰崖莖如釵

股其生于櫟者木斛石斛之莖如金釵故謂之金釵牛膝之節如牛膝故謂之牛膝

卷栢曰萬歲曰豹足曰求股曰交時葉如栢狀如雞足生於陰崖

細辛曰小辛曰細草而世以杜蘅亂其真

獨活曰羌青曰護羌使者曰胡王使者曰獨搖草得風不搖無風自動雖與羌活異條而亦曰羌活

升麻曰周麻曰落新婦

芘胡曰地薰曰山菜曰茹草葉曰芸蒿辛香可食生於
銀夏者芬馨之氣射於雲間多白鶴青鶴翱翔其上
防葵曰梨蓋曰旁慈曰爵離曰農果曰利茹曰方蓋而
狼毒能亂其真

菴藺狀如蒿艾駉驢食之仙

白蒿即茵陳蒿白兔食之仙

薪蒿曰葳薪曰大戟曰馬辛爾雅曰姚莖涂薺又曰薪
蒿大薺以似薺而大也

龍膽曰陵游莖如小竹根似牛膝

王不留行曰禁宮花曰翦金花葉似槐實作房

茵陳蒿南人所用者似香薷北人所用者似青蒿即白蒿也南北所用俱有山茵陳之名同名異實又有石香薷亦名山茵陳而香薷亦名茵陳四種足相紊也

漏蘆曰野蘭而飛廉曰漏蘆亦能相紊

飛廉曰漏蘆曰天齊曰伏豬曰飛輕曰伏兔曰飛雉曰木禾似苦芙而葉下附莖有皮起似箭羽刻缺

牆薇曰營實曰牆牀

本草作
牆麻

曰牛棘曰牛勒曰薔薇曰

山棘

薇銜曰承膏曰承肌曰無心曰無顛曰鹿銜曰吳風草
葉似茺蔚叢生有毛

五味子曰葇曰莖藷故爾雅云葇莖藷引蔓實如珠而
赤

旋花曰鼓子花曰筋根花曰金沸曰美草曰肫腸草蔓
生花不作瓣故謂之旋也此草一名金沸而旋覆花亦

名金沸旋花正謂之葛旋旋覆正謂之旋復易相紊也然方家所用者葛旋用根旋復用花

白兔藿曰白葛蔓生葉圓如蓴

鬼督郵曰獨搖草莖如箭籜葉如繖蓋花生葉心根橫而不生須徐長卿赤箭俱有鬼督郵之名而實異

藍有三種蓼藍如蓼染綠大藍如芥染碧槐藍如槐染青三藍皆可作澱色成勝母故曰青出於藍而青於藍景天曰戒火曰火母曰救火曰據火曰慎火今人皆謂

之慎火草植弱而葉嫩種之階庭能辟火

續斷曰龍豆曰屬折曰接骨曰南草曰槐曰大薊曰馬
薊蜀本圖經云莖方葉似苧花似益母根如大薊此北
續斷也范汪云即馬薊也與小薊相似葉如葦翁菜兩
邊有刺花紫會稽者正爾此南續斷也

雲實曰員實曰雲英曰天豆曰馬豆曰臭草曰羊石子
葉如苜蓿花黃白莢如大豆實若大麻能殺精物燒之
致鬼

黃耆有白水耆赤水耆木耆三種其莖葉曰戴糝曰戴
椹曰芟草曰蜀脂曰百本曰王孫

徐長卿曰別仙蹤曰鬼督郵苗如小麥子似蘿摩

薜曰山蘄曰白蘄曰乾歸曰文無爾雅謂薜山蘄又謂
薜白蘄即當歸也葉似芎藭有兩種大葉者謂之馬尾
當歸細葉者謂之蠶頭當歸此方家之別也

鉶曰何離曰解倉曰犁食曰餘容曰白朮即芍藥也以
有何離之名所以贈別用焉古今言木芍藥是牡丹崔

豹古今注云芍藥有二種有草芍藥有木芍藥木者花大而色深俗呼為牡丹非也安期生服鍊法云芍藥有二種有金芍藥有木芍藥金者色白多脂木者色紫多脉此則驗其根也然牡丹亦有木芍藥之名其花可愛如芍藥宿枝如木故得木芍藥之名芍藥著於三代之際風雅之所流詠也牡丹初無名故依芍藥以為名亦如木芙蓉之依芙蓉以為名也牡丹晚出唐始有聞貴游趨競遂使芍藥為落譜衰宗

藁本曰鬼卿曰地新曰微莖

葛曰雞齊根曰鹿藿曰黃斤而藺亦謂之鹿藿

知母曰蚘母曰連母曰野蓼曰地參曰水參曰水浚曰
貨母曰蜚母曰女雷曰女理曰兒草曰鹿列曰韭逢曰
兒踵草曰東根曰水須曰莖藩曰蔞曰昌支爾雅曰蔞
莖藩

貝母曰空草曰藥實曰苦花曰苦菜曰商草曰勤母曰
苢爾雅曰苢貝母詩云言采其苢

栝樓曰地樓曰果羸曰天爪曰澤姑曰白藥其實曰黃
爪詩云果羸之實爾雅云果羸之實栝樓

元參曰重臺曰元臺曰鹿腸曰正馬曰咸曰端曰逐馬
曰馥草

苦參曰水槐曰苦識曰地槐曰菟槐曰驕槐曰白莖曰
虎麻曰岑莖曰祿白曰陵郎

石龍芮曰魯果能曰地椹曰石能曰彭根曰天豆沈括
云有兩種水中生者葉光而末圓陸生者葉毛而末銳

石韋曰石韠曰石皮生於石崖其生瓦上者曰瓦韋皆
感陰濕而生每莖抽一葉背有毛而斑點其狀如皮故
得韋名

狗脊曰百枝曰強脊曰扶蓋曰扶筋葉類蕨根類菝葜
草解草解曰赤節菝葜曰金剛根謂其根堅曰王瓜草
謂其苗葉與王瓜相近

通草曰附支曰丁翁曰王翁萬年方書亦謂之木通爾
雅曰離南活菰以活菰亦謂之離南今人謂之通草其

瓢白可愛婦人取以為首飾其實曰燕覆子曰烏覆曰
桴椌子曰拏子

瞿麥曰巨句麥曰大菊曰大蘭曰芘萎曰杜母草曰燕
麥曰薺麥曰雀麥曰石竹故爾雅云大菊蘧麥其葉細
嫩花如錢可愛唐人多像此為衣服之飾所謂石竹繡
羅衣

敗醬曰鹿腸曰鹿首曰馬草曰澤敗曰鹿醬葉似猗菜
根似柴胡作敗醬氣故以得名

澤芬曰白芷曰白芷曰薑曰莞曰苻離楚人謂之葯其
葉謂之蒿麻與蘭同德俱生下濕故蘭芷之香為騷人
所諷詠

杜蘅曰杜曰土鹵能香人衣體南人以亂細辛其葉似
馬蹄故亦名馬蹄香爾雅云杜土鹵

白薇曰白幕曰薇草曰春草曰骨美

菴耳曰苓耳曰羊負來曰唱起草曰白胡荽江東曰常
菴幽州曰爵耳爾雅蒼耳苓耳舊說即蒼耳也其實似

鼠耳而有澁刺易黏人衣中原本無此草因羊自蜀來其實帶毛而至故有羊負來之名然詩云采采卷耳以其可茹也即今卷菜葉如連錢者是也若蒼耳但堪入藥不可食

茅之根曰蘭根曰茹根曰地筋曰兼杜茅之類甚多惟白茅擅名其苗初出地者曰茅鍼爾雅云荼委葉詩云以媻荼蓼昏謂茅鍼也茅之花曰茅秀爾雅葉荈茶是也茅之葉如管故亦名地管詩云白茅菅兮又云露彼

管茅

強瞿曰重邁曰中庭曰重箱曰摩羅曰中逢花即百合也俗呼強瞿根如葫蒜根美食花美觀舊云蚯蚓化成有二種白花者良其紅花者一名山丹一名連珠俗呼川強瞿莖上抽花葉間結子

酸漿曰寒漿曰醋漿江東曰苦葳俗謂之三葉酸漿沈括云即苦耽也其實如撮口袋中有珠子熟則紅關中謂之洛神珠亦曰王母珠亦曰皮弁草以其實又似弁

也又有一種小者名苦職

牡蒙曰衆戎曰童腸曰馬行即紫參也唐明皇令方士
姜撫採終南山之旱藕作湯餅賜大臣者即此草根也
淫羊藿曰剛前曰黃連祖曰千兩金曰乾雞筋曰放杖
草曰棄杖草闕中曰三枝五葉草舊云西川北部有淫
羊食此草一日百交今通謂之仙靈脾

蠡實曰荔實曰劇草曰三堅曰豕首曰馬薤即馬蘭子
也北人呼為馬棟子江東呼為旱蒲多植於階庭說文

云荔似蒲而小根可作刷月令云荔挺生

欵冬曰橐吾曰顰東曰虎須曰菟奚曰氐冬藥家用花如枇杷舊云花冬月在水下生緣此花傍莖近根生故在水下爾雅以顰東為顰凍注又以欵冬作欵凍

牡丹曰鹿韭曰鼠姑宿枝其花甚麗而種類亦多諸花皆用其名惟牡丹獨言花故謂之花王文人為之作譜記此不復區別然今人貴牡丹而賤芍藥獨不言牡丹本無名依芍藥得名故其初曰木芍藥古亦無聞至唐

始著

澤蘭曰虎蘭曰龍棗曰虎蒲曰水香曰都梁香如蘭而莖方葉不潤生於水中故曰水香荊州記都梁縣有山山下有水清淺其中生蘭草因以為名

馬蘭生澤傍如澤蘭氣臭楚辭所喻惡草即此也

王孫曰黃孫曰黃昏曰海孫曰蔓延又楚曰王孫齊曰長孫方家謂之牡蒙

百部曰婆婦草能去諸蟲可以殺蠅蠊其葉似薯蕷根

似天門冬故天門冬亦有百部之名二物足以相紊
王瓜曰土瓜曰滕姑曰鉤瓢曰菲芴均房間曰老鴉瓜
又曰菟瓜其根可生食類瓜故得瓜名月令王瓜生即
此也而鄭玄以為菰誤矣爾雅言鉤滕姑郭云鉤瓢
一名王瓜是矣又言菲芴又言黃菟瓜皆謂此也
薺芘之根能亂人參而解藥毒以其與毒藥共處而毒
皆自然歟

艾爾雅曰冰臺菟葵曰天葵又曰葦菟葵雷公炮炙所

用紫背天葵是矣葉如錢而厚嫩背微紫生於崖石凡
丹石之類得此而後能神所以雷公一書汲汲於天葵
恨世人不識之臣近得之於天台僧

鱧腸曰蓮子草曰旱蓮子曰金陵草生園圃葉似柳莖
似馬齒莧其蓮翹亦曰旱蓮植於庭院其花可愛非鱧
腸也

蒟醬曰浮留劉淵林蜀都賦注云蒟醬緣木而生其子
如桑椹熟時正青以蜜藏而食之辛香生巴蜀嶺南司

馬相如使蜀而求之也其狀似華撥故有土華撥之號
今嶺南人但取其葉及藤合檳榔食之謂之蓼而不用
其實

蘿摩曰芄蘭曰苦丸幽州人曰雀瓢東人曰白環藤可
作菜茹能補精益氣故諺云去家千里莫食蘿摩枸杞
剪草之根曰白藥

懷香即茴香

鬱金即薑黃周禮鬱人和鬱鬯注云煮鬱金以和鬯酒

又云鬱為草若蘭今之鬱金作煇潘臭其若蘭之香乃
鬱金香生大秦國花如紅藍花四五月採之即香陳藏
器謂說文云鬱芳草也十葉為貫將以煮之用為皂為
百草之英合而釀酒以降神也然大秦國去長安四萬
里至漢始通不應三代時得此草也或云鬱金與薑黃
自別亦芬馨恨未識耳

紅藍亦曰黃藍

華澄茄亦曰毘陵茄子

蓬莪茂似薑黃而不黃

廉薑似山薑而根大一名後

胡黃連似黃連而心黑一名割孤露澤

大黃曰黃良

常山曰互草

桔梗曰利如曰房圖曰白藥曰梗草曰薺芘以其能亂
薺芘故亦有其名藥曰隱忍

甘遂曰甘藁曰陵藁曰陵澤曰重澤曰主田

葶歷曰丁歷曰葶蒿曰狗薺曰大室曰大適爾雅葶亭
歷

大戟曰邛鉅曰女术曰蕎曰髦爾雅髦顛棘其苗曰澤
漆曰漆莖

旋覆花曰金沸草曰戴椹曰盛椹曰盜庚爾雅復盜庚
似菊俗呼金錢花

鉤吻曰除辛曰毒根折之青煙出者名固活即野葛也
藜蘆曰葱苒曰葱葵曰山葱曰葱葵曰豐蘆曰蕙葵

赭魁俗呼禹餘糧葉如薯蕷根如何首烏儉歲人採之以療飢陳藏器謂禹會諸侯棄糧於地化為此草

芟爾雅云堇草即烏頭也其類即別而說者紛紜初種之母曰烏頭如芋魁是也其形似烏鳥之首故以為名兩歧如鳥開口者曰烏喙亦取其似也烏頭傍生者為附子附子傍生者為側子烏頭不生附子者為天雄極長大故草經云長三寸以上也蜀人種之最忌生此草經云春採為烏頭冬採為附子廣雅又云一歲為側子

二歲為烏喙三歲為附子四歲為烏頭五歲為天雄今
皆不然但一歲下種而有此五物皆以冬至前布種至
八月採出於蜀中而綿州彰明縣猶多附子為百藥之
長一名奚毒世以烏頭天雄附子為三建者以此三物
舊皆出建平故也又宜都佷山者謂之西建殊佳錢塘
間者謂之東建不及故曰西水猶勝東白烏頭曰奚毒
曰即子曰葭曰董曰千秋曰毒公曰果負曰耿子取其
汁日煎為膏曰射罔射生者以傳矢慘毒

羊躑躅曰玉支

茵芋曰莞草曰卑共

射干曰烏扇曰烏蒲曰烏嬰曰烏吹曰草薑曰鳳翼射
亦作夜射干有三物佛書云射干貂獬乃是惡獸似青
黃狗食人荀子云西方有木名射干莖長四寸生於高
山之上而臨百仞之淵其花白莖長似射人執竿故阮
公詩云射干臨層城此則草類狀如鹿葱葉稍大邪張
作扇如翅狀故有烏扇烏嬰鳳翼之名

貫衆曰貫節曰貫渠曰百頭曰虎卷曰扁苻曰伯萍曰
藥藻曰灤曰草鴟頭爾雅云灤貫衆

半夏曰守田曰地文曰水玉曰示姑

葭蓉曰橫塘曰行塘其實作小兒謂之天仙子

常山曰互草

青箱曰草蒿曰萋蒿曰草藁花似後庭花實如葭蓉子
俗呼牛尾蒿其主療與決明子同故亦有草決明之名
牙子曰狼牙曰狼子曰犬牙今皆謂之狼牙子以其根

之萌若獸牙也葉似蛇莓而大

白斂曰菟核曰白草曰白根曰崑崙藤生葉如小桑根如雞卵

白芨曰甘根曰連及葉如初生楸櫚根如菱米

蛇全曰蛇銜曰威蛇曰小龍牙

草蒿曰方潰曰葍江東曰玃蒿即青蒿也爾雅云蒿葍翟菌曰翟蘆生於蘆葦中云鶴矢所化故曰鶴菌

連翹曰異翹曰蘭華曰折根曰軹曰三廉曰連苕曰連

草爾雅云連異翹即旱蓮也葉似當歸華似菡萏

白頭翁曰野丈人曰胡王使者曰奈何草狀似白薇葉
生莖端上有白毛近根處有白茸正似垂白之翁

蘭茹曰屈据曰離婁葉似大戟根如蘿菹黃色初斷時
汁出凝黑如漆故云漆頭

羊桃詩曰萇楚爾雅曰鉞弋亦曰鬼桃曰羊腸曰御弋
葉花似桃子如棗核劒南人名細子根

羊蹄曰東方宿曰連蟲陸曰牛薺曰非詩曰言采其蓫

爾雅曰菲蔥菜又曰藟牛蒡今人呼為禿菜遂禿音訛耳

鹿藿爾雅曰藟鹿藿其實蒞田野呼為鹿豆

藟草曰藟蓐曰王芻曰鴟脚莎爾雅曰藟王芻又曰竹
篇蓄詩云綠竹猗猗即此是也今人謂之篇竹葉似竹
而細薄荆襄人煮以染黃極鮮麗故草經云可染黃作
金色

夏枯草曰夕句曰乃東曰燕面

蚤休曰蚩休曰螫休曰重樓金線曰重臺曰草甘遂今人謂之紫河車服食家所用而莖葉亦可愛多植庭院間

虎杖曰枯杖曰苦杖曰大蟲杖曰酸杖曰斑杖曰蒺藜故爾雅曰蒺藜虎杖莖葉斑赤似馬蓼而無毛

鼠尾草曰勤曰陵翹曰烏草曰水青可以染皂爾雅勤鼠尾

苧野生者曰薜爾雅云薜山麻

菰曰蓬今人謂之芡爾雅曰齧彫蓬薦黍蓬彫蓬者米芡也其米謂之彫胡可作飯故曰齧黍蓬者野芡也不能結實惟堪薦藉故曰薦

葑菰根也亦名須故爾雅曰須葑菰又名菰焉

劉寄奴曰金寄奴即烏藤菜故江東人云烏藤菜劉寄奴因宋武帝而得名帝微時伐荻薪洲遇大蛇射之明日往見羣兒擣藥問之乃曰我王為劉寄奴所射今擣此藥傳之帝呵之羣兒忽不見遂收其藥還以傅金瘡

無不愈者帝姓劉小名寄奴江南人姓劉者或呼為金是以又有金寄奴之名

牽牛子曰草金鈴曰盆甌草陶弘景云以療水腫有功田野人牽牛以易之故得名

猪膏母曰虎膏曰狗膏亦曰狶茲能亂天名精

葍曰來母草曰葛藟蔓葉似草麻子似大麻

獨行根曰雲南根曰兜零根山南人謂之土青木香其實曰馬兜零

狼毒曰續壽藥家以此與麻黃橘皮吳茱萸半夏枳實
為六陳

鬼臼曰雀犀曰馬目毒公曰九白曰天白曰解毒葉如
荷葉形似烏掌年長一莖莖枯則根為一白服食家用
之以九白相連者為佳亦名八角盤以其葉然也

蘆爾雅曰葭蘆又曰蒹葭又曰葦亂蘆之大者曰葭小
者曰荻蒹即荻也可為簾箔故曰蒹其小而實者曰葦
葦即葦也其萌曰蘆蘆筍也其榮曰芳芳蘆花也故

曰葦醜芳亦謂之葭故曰葭華

篇蓄即篇竹也衛風云綠竹猗猗綠蓋草竹篇蓄

酢漿草曰醋母草曰鳩酸草曰小酸茅南人曰孫施去
銅鑰垢

商陸曰遂蕩曰芎根曰夜呼曰馬尾曰莧陸曰章陸曰
章柳根曰當曰菑詩云言采其菑爾雅云菑當又云遂
蕩馬尾皆此也或言爾雅拜蒿藿亦為此耳根如人形
者有神道家以為脯謂之鹿脯有赤白二種白者服食

所須赤者爾雅謂之蔓茅

灰藿曰金瑣天葉心有粉如鹽而不鹹灰藿與藜亦是同類但藜大可為杖也

瓦松曰昨葉何草

骨碎補曰石菴蘭曰骨碎布曰石毛薑江南曰胡孫薑根著木石上有毛葉如菴蘭俗呼猴薑唐明皇以其主折傷補骨碎有奇功故賜名

雀麥曰薺曰燕麥曰牡姓草似麥而小故得其名

天南星曰鬼蒟蒻而有毒

蒟蒻其實曰蒟蒻生於葉下與天南星班杖相似其根生時可為糊黏熟之可食

續隨子曰拒冬曰千金子曰聯步曰千兩金曰菩薩豆人家多種於園亭其花似大戟秋種冬長春秀夏實穀精草生於穀田中亦曰戴星草欲人早耕也

列當曰栗當曰草蓂蓉生巖石上根如藕能亂蓂蓉威靈仙曰能消惡聞水聲能治痿弱唐貞元中周君巢

為之作傳

何首烏曰野苗曰交藤曰夜合曰地精曰陳知白曰桃
柳藤有赤白二種赤者雄白者雌雌雄異本而能相交
何首烏者順州南河人初名田兒生而閹弱年五十八
無妻子臥田野中見田中之藤兩本異生而能相交久
乃解解而復合如此數四田兒異之斲根而服七日而
思人道十年而生數男頭白變黑遂以名此草其人年
百三十子庭服之年百六十唐元和間事也

預知子曰仙沼子曰聖知子曰聖先子曰盍合子實如
皂莢子傳云取二枚綴衣領上遇蟲毒初則聞其有聲
故有預知之名蜀人貴重之

仙茅曰獨茅根曰茅瓜子曰婆羅門參傳云十斤石乳
不及一斤仙茅

萱草曰合歡草曰無憂草言能令人樂而忘憂花曰宜
男婦人喜佩之風土記云孕婦佩其花則生男

金星草生於陰崖或瓦木上葉背有金星相對爐火家

所用也

薇生水傍葉如萍爾雅云薇垂水三秦記夷齊食之三年顏色不變武王戒之不食而死然詩云采薇者金櫻芽也

無風獨搖草頭如彈子尾若鳥尾兩片開合見人自動石藥生太山石上如花藥王隱晉書云庾袞入林慮山餌石藥得長年

孝文非人多食之能行後魏孝文帝好食此故得名

陳家白曰吉利菜葉如錢根如防己又有婆羅門白甘家白三白相似

孟娘菜曰孟母菜曰厄菜葉似升麻方莖

越王餘筭生南海水中如竹筭子長尺許異苑云越王行海作籌有餘棄於水中而生

風延母細葉蔓生纓繞草木南都賦云風衍蔓延於衡臯是也

掉菜字林云味辛南人食之去冷氣

優殿南方草木狀曰合浦人種之用醬汁而食芳香
宜男草廣州記云小男女佩之臂上辟惡止驚生廣南
朝至暮落花生糞穢處頭如筆紫色朝生暮謝小兒呼
為狗溺臺又名鬼筆菌類也非槿

猶草曰軒于爾雅云菑蔓于臭草也生水中江東人呼
為菑證俗云猶水草也

蘼蒿先於百草而生爾雅云菑蘿注云蘼蒿也小雅云
菁菁者莪陸璣云莪蒿也一名蘿蒿

麗春草河南曰龍芊草河北曰藁蘭艾生上黨者曰定參草亦曰仙女蒿此草主黃疸之疾唐天寶中始有聞焉

蔬類

白瓜曰水芝曰地芝即白冬瓜也

葵之類多爾雅曰蒼莧葵即蜀葵一名蒼莧又曰蒼蚬蚬注云落注云荊葵也一名荻一名蚬蚬又曰葵葵繫露注云落葵也一名承露一名藤葵一名胡胭脂蔓生繞籬落葉

圓而厚子如豆生青熟黑按之則色紫女人以漬粉傅
顏為假色又有龍葵一名苦葵葉圓似排風而無毛
羅勒俗呼西王母菜北人呼為蘭香為石勒諱也
胡荽曰胡藁并州人呼為香荽亦為石勒諱也

苦菜曰荼曰選曰游冬爾雅云荼苦菜詩谷風云誰謂
荼苦其甘如薺月令云苦菜秀

萊服一名電葵一名溫菰一名紫花菰吳名楚菰嶺南
名秦菰河朔名蘆服爾雅曰葵蘆服俗呼蘿蔔鎮州者

一根可重十六斤

薤與韭同類雖辛而不葷五藏所以學道之人服之有赤白二種白者補而美赤者主金創不結子一名鴻薤爾雅云薤鴻薤

韭之性溫故謂之草鍾乳易稽覽圖云政道得則陰物變為陽鄭玄注謂若葱變為韭是也可知葱冷而韭溫然葷臭非養性所宜多食亦昏神

蘇爾雅曰蘇桂荏此紫蘇也葉實俱良

水蘇曰雞蘇曰勞祖曰芥菹曰芥苴曰臭蘇曰青白蘇
今人皆呼雞蘇亦呼水蘇不可食

荏曰蕒似蘇而高大葉不可食惟子可壓油及雜米作
麩甚肥美

蕨一名驚莽牙也四皓食之而壽夷齊食之而夭搜神
記曰郗鑒鎮丹徒二月出獵有甲士折一枝食之覺心
中淡淡成病後吐一小蛇垂之屋前漸乾成蕨明此物
不可生食爾雅云蕨驚又有一種大蕨亦可食謂之蓰

蕨爾雅云藜月爾

芸臺亦作雲臺爾雅云臺夫須

繁蔓曰藪爾雅云藪蓐蘆生於園圃蔓細弱田野人食之可作牙藥

雞腸似蓼而小不辛本草以合於繁蔓共條故蘇恭誤謂即繁蔓也

堇曰齧曰苦堇爾雅云齧苦堇今人亦謂之堇菜野出味雖苦而甘黃花者殺人唐武后寘諸食中以毒賀蘭

氏暴死者蓋此種也

葢曰藏爾雅云藏黃蔭葉似蒟醬蔓生田野陰濕處關中曰蒟菜以其生可為蒟也

馬藍田野人以為菜茹爾雅云葢馬藍

苦苣野生者曰福苣人家常食者曰白苣

薺之菜甚小自生園圃其實曰薺爾雅云薺薺實詩云其甘如薺謂此菜之美也或以薺為薺苣

苣亦作靳爾雅曰苣楚葵詩曰言采其苣一名水英一

名楚葵

馬芹爾雅曰茭牛蘄俗謂胡芹其根葉不可食惟子香
美可調飲食所謂野人快炙背而美芹子是也

莧莧蒿也一名蘿故又謂之蘿蒿爾雅云莧蘿詩云菁
菁者莧本草謂蘆蒿

苐曰接余爾雅云苐接余其葉苐詩云參差苐菜今謂
之水苐蔓鋪水上故杜詩水苐牽風翠帶長

蕪菁亦作蔓菁塞北名九英此菜多生邊塞一名須一

名蔞蕪一名葑菹見爾雅春食苗夏食心秋食莖冬食
根菜之最益人者惟此爾多種可以備飢歲昔諸葛孔
明所止輒令兵士種蔓菁云取其才出甲可生啖一也
葉舒可煮食二也久居則隨以滋長三也棄不令惜四
也回則易尋而採之五也冬有根可斲而食六也比諸
蔬屬其利博乎今三蜀江陵人猶呼此為諸葛菜大槩
似菘而有頭南人取而種之初年相類至二三歲則變
為菘矣惟河朔最多詩谷風云采葑采菲此即葑也

蓼有三種按陶弘景云一種紫蓼一種青蓼一種香蓼其葉有圓有尖以圓者為勝入藥用蓼實有一種馬蓼亦可入藥其最大者謂之葑草亦謂之龍葑爾雅云紅龍古其大者歸

蓼荷有白赤二種陶弘景云今人赤者為蓼荷白者為覆菹食用赤者藥用白者其性好陰在木下者尤美故潘岳閑居賦云蓼荷依陰時藿向陽也搜神記云蔣士先得疾下血言中蠱家人密以蓼荷置其席下忽大笑

曰蠱我者張小也乃收小故以此為治蠱之最周禮庶氏掌除蠱毒以嘉草攻之宗慄謂嘉草即此也

萑滑而美所以張翰思萑羹而歸也二月至八月採者名絲萑味甘而體軟霜降以後名瑰萑味苦而體澁

葫大蒜也蒜小蒜也小蒜一名亂子

馬齒莧一名馬莧可煮丹砂結汞又名五行草以其葉青梗赤花黃根白子黑也其葉間有水銀可燒取

雍菜主解野葛毒南人先食雍菜後食野葛自然無苦

又取汁滴野葛苗當時菸死張司空云魏武帝噉野葛至一尺應是先食此也

菠薐菜本出頗陵國張騫帶來語訛為菠

茭苳茭草之首有一種可食一名茭白一名菰苳一名須爾雅云須薺菰

稻粱類

稷苗穗似蘆而米可食為五穀之長五穀不可偏祭故祀其長以配社今人謂之稌關西謂之糜冀州謂之𥣾

粢梁也爾雅云以粢為稷誤也

胡麻曰巨勝曰狗強曰方莖曰鴻臚曰方金曰藤莖其
葉曰青蘘今之油麻也亦曰脂麻本出大宛張騫傳來
故名胡麻沈括靈苑方中論之矣今鑿家認黃麻子作
胡麻用其子極苦能殺人毒鼠此豈可服食哉陶弘景
云八穀之中惟此為良而純黑者名巨勝是為大勝此
斷穀長生充饑之藥故云胡麻好種無人種正是歸時
君不歸

麻子者大麻子也脂麻為胡麻此為漢麻脂麻為細麻此為大麻亦謂之枲然有牝牡其牡者生花曰麻廢亦曰麻勃吐出茸茸然蘇恭謂爾雅云廢枲實以麻廢即麻子不知爾雅之誤

梁之類多爾雅芑白苗白梁也又曰薺亦苗赤梁也又有青梁有黃梁汜勝之書云梁是秣粟今俗謂之梁古祭祀所用梁盛是也可作飡食及釀酒亦如糯米或云梁亦有粳者其謂粳米亦曰黃子

黍本草丹黍爾雅云秬黍秬一稈二米秬是黑黍之有
二米者黍之糯者謂之秣一名黃糯

童梁曰稂曰守田曰皇爾雅云稂童梁又曰皇守田今
人謂之鬼稻一穗未有數粒易落在田中明年復生故
有守田之名亦能亂稼

稻有粳糯二種古人謂糯為稻五穀之類皆有粳糯粟
之糯曰梁曰粳黍之糯曰秣曰衆爾雅云衆秣是也顏
師古刊謬正俗曰本草所謂稻米者今之糯米也又說

文云沛國謂稻為糯

彫胡菰蔣米也爾雅云齧彫蓬

甕子粟曰象穀曰米囊曰御米

豆之類多爾雅云藺鹿藿其實菹今之鹿豆也苗似豌豆蔓生亦可為菜根黃而香本草大豆之藿謂之黃卷亦謂之卷藿小豆之花謂之腐婢

通志卷七十五